



5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

C40-4514

了翁上座請大藏及百家書置之武州紫雲山  
我微笑塔院直房中永  
為學者不敢許出院內  
當山二世錢牛機謹誌



B 64853

大法炬陀羅尼經卷第十六

隋北天竺三藏法師闍那崛多等譯  
將護法師品第三十九

阿難爾時上名意菩薩白放光如來言世尊如來說  
一切諸法少分名字若人學已得成就者彼離世間  
諸波羅蜜於此法中云何相應世尊若無相智知一  
切法者此一切法無有一相若法有相可得聽受何  
者是相復云何相以何相故能知世間出世間相復  
云何知方便業藏時放光以告上名意菩薩言摩那  
婆以方便智知諸法相自當得是業藏來處上名意

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

菩薩復白佛言世尊如來雖復畧說諸法方便解釋  
一切諸佛方便言敎能受持者及能入證能覺知者  
然是三種方便業藏我等從今當勤修學如如來說  
我等皆已如是聽受如是聞知世尊是中復有諸餘  
衆生聞是說已不能了知此方便義惟願今者具爲  
是等宣揚如是三種業藏方便言敎阿難爾時放光  
如來應供正徧覺復告上名意菩薩言摩那婆於意  
云何汝頗知有幾所衆生能得知此三教業藏汝復  
知有幾所衆生不能知者時上名意菩薩復白佛言  
世尊頗有衆生如如來說三教業藏如實知者又於  
所說三言敎義能盡持不佛言摩那婆如我向者已  
先問汝有幾衆生能聞是法及能受持汝今云何更  
問知此三種言敎我實不見如是衆生時佛復告彼  
菩薩豆摩那婆如來說此三言敎時汝等能解能知  
復能爲彼若人非人如是等類開解演說不唯有如  
來能知三種方便言敎或時爲他具解其義或時爲  
他少分開發摩那婆我觀如是無量無邊諸世界中  
終不見有如是衆生初未成就阿耨多羅三藐三菩  
提而能得說三教藏者唯除如來應供正徧覺乃能  
說耳摩那婆如來說已諸餘衆生或時少解然終不

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

稱如來所說如是而解此等三種方便業藏於如來  
前不能解說亦不能知初阿字門亦不能入三言教  
藏設以種種思惟方便亦不得入何敢言知是故我  
說惟除如來獨能清淨如是業道上名意復言世尊  
如是業道當云何淨佛言摩那婆今爲此問可謂非  
時汝智不淨事宜然也摩那婆我已三告不許於汝  
云何復問如來復能如是教我知此三言教藏諸餘  
衆生不能知也摩那婆如是三種方便教藏阿迦那  
等三字所有句義汝但能說云何得知此諸句義摩  
那婆然亦有是一種方便若諸衆生清淨持戒則能

知此三言教藏爲他演說上名意言世尊是何方便  
而能得知摩那婆無餘方便唯有如來德力加持如  
是衆生乃能知耳上名意言世尊如來若當入涅槃  
者從誰復聞如是業藏誰更當能爲他解釋佛言摩  
那婆誰於我前親聞受者彼於未來凡所生處淨居  
諸天躬往教知或餘世界諸佛威神來加彼人如先  
所聞終不忘捨此三教藏如爲現前能作光明摩那  
婆汝於爾時當大欣悅起隨喜心此諸衆生能爲他  
說如是言教斯皆是此如來神力所加持也汝今當  
知若能如是對如來前問是義者非下劣人何以故

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

終無復有愚劣衆生能爲他說如來終亦不爲破戒一惡衆生說是義門何況乃於無量無邊諸世界中破戒不淨惡衆生中而當宣說如是義處必無是事復次摩那婆是中實有無量妙義無量妙言若爲如是愚癡衆生輕卽說者更令造業非爲光顯是陀羅尼文句義味摩那婆此陀羅尼唯是諸佛如來能作此等諸法光明最勝上智目足諸法所應演說清淨之處皆悉依此陀羅尼經而當爲彼樂聞者說彼樂聞者當應詣彼善丈夫所至心聽受如如來前聽聞正法何以故是善丈夫能說如是修多羅者皆是如

來威神力故是故樂聞注者應作此心樂聞於法摩那婆當爾之時慎莫令有惱亂法師若彼法師無燒害者當爲世間興大利益摩那婆此言教藏非少智衆生所行境界亦非供養少佛而能得聞乃於無量無邊諸世尊所修行供養方始得聞方乃得學然後能知此三教藏爲他解說摩那婆於意云何彼諸衆生若無法師自力能得如是法不而諸衆生不得法者以無法師故不得法設有法師其受法人若不先請則不得說是故要須先請法師以已身力供給供養然後得說若受法人爲弘法故勸請法師是人爾

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

時應當躬往詣法師所將養衛護若受法人在法師  
所則惡行之人諂媚誹毀不信法義不喜法師求過  
短者不能得便若聽法人欲樂堪受發大勇猛具足  
精進隨時能問法師所說方便言敎時所聞法則無  
闕少若無問者爾時法師不能具宣諸佛法門終不  
弘顯亦無衆生知有佛法不知如是三藏法故彼諸  
無智生盲衆生皆墮無明大黑闇處以不能知諸法  
門故無有智者無有行者當知世間盡皆晦冥摩那  
婆諸衆生等皆由嫉妬我心垢蔽是以不能詣聽法  
所設復往詣亦不聞法以不聞故不知善惡業行之

事是所應作是不應作當知爾時世間多有如是衆  
生

#### 放光佛本事品第四十

爾時放光如來告上名意菩薩摩訶薩言摩那婆我  
念往昔初有一劫名曰難伏復第二劫名曰除樂過  
是劫已復有一劫如是三劫空無有佛於彼劫內一  
切衆生凡所生處乃至不會聞一法音況復得有如  
法行者若能修行無有是處彼諸衆生生無法世專  
造惡行不孝父母不事師長不敬沙門及婆羅門遠  
離持戒依止惡法常樂放逸墮沒闇冥不識是非不

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

知善惡不別尊卑不懷恩養乃至不知何者是父何  
者爲母云何兄弟及以姊妹如是等法以不知故各  
各皆入愚癡黑闇失八善根及樂行法墮於地獄深  
遠苦中終不覺知何者是佛何者是法何者是僧亦  
復不識一切善根如是劫時有一菩薩名曰香上示  
現生在婆羅門家其生未幾父母並終如是菩薩身  
漸長大成就諸根具精進力善根純熟捨家出家旣  
出家已苦行精勤依一林樹四十年中食果飲水更  
無餘食其所食果在樹雖熟終不先取要因鵠鵠鵠  
鵠猴諸禽獸等啄食之餘雖無蟲食有時熟已風

吹自落然後乃取其食時節要經七日然始一食七  
日之內終無二食如是菩薩食時雖至地無餘果便  
爾空過亦無所食四十二年或食不食長夜精苦修  
習禪定以修定故獲五神通然是菩薩經四十七年  
因神通力卽以天眼過於人眼觀視世界所有衆生  
不持禁戒全無福德專造惡業嫉妒毀謗不事父母  
不敬沙門長夜熾然增長衆惡更相恐害甚於怨讐  
爾時菩薩見如是等惡衆生已生大憂悲如是歎曰  
嗚呼哀哉嗚呼哀哉此等衆生極成大失寧能於此  
寬大利中無一衆生有片善根況具足者復如是念

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

我於今日應以天眼觀此三千大千世界求一衆生具足善根我若見者應大歡喜何以故我於彼所得斯大利若不知處卽宜因此更相敎告生長善根時彼菩薩如是念已卽於林中宴坐入定思惟觀察見其南方過二十世界有一佛土名曰善光彼土有佛號曰寶幢如來應供正徧覺摩那婆彼佛何故名曰寶幢以其生時卽於頂上放大光明天光出時其世界中無一衆生能知彼光從佛頂出亦復不能分別彼光相貌形色爲青爲黃爲赤爲白爲黑爲紫爲玻瓈色諸餘色相乃至一相皆不能知彼光出已其佛

刹土咸成寶色時諸衆生見其刹土如是莊嚴各作是念此必當是菩薩出世建立寶幢故使世界變爲寶耳摩那婆以是因緣彼佛如來名爲寶幢摩那婆爾時寶幢如來從頂出光直來臨照香上菩薩在頂而住時彼菩薩於禪定內見佛光明住在其頂生希有心發如是念我今宜應捨此三昧如是念已卽從定起觀彼光明所從來處見從南方善光世界寶幢世尊頂出光已直指自身旣不淪沒亦無障礙而復見彼寶幢世尊以九十二那由他聲聞大衆前後圍遶復作是念我於今日可詣彼佛世尊足下恭敬禮

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

拜佛及僧衆香上菩薩生是心時寶幢如來還攝光明光明沒已菩薩爾時如常宴坐無所見知深自咎責我今寧可長失斯利時彼菩薩復作是念我今還應入是三昧如是念已卽復入定旣入定已光明復來住菩薩頂還見彼佛無量大衆左右圍遶時彼菩薩復作是念我今應詣彼佛世尊如是念時光明復沒其光沒已菩薩復念我今自應還入彼定旣入定已何須更出乃至不應到彼佛所摩那婆時彼如來作如是念今此菩薩有大勇猛具足精進我亦不應令是菩薩放捨斯願不成大利或來我前或棄身命慎勿令彼捨精進心莫使彼身於是法門而作損減我今應當令其安住如是正法教令覺知使是菩薩一切法中咸得開解滿其本願摩那婆時彼如來如是念已於彼界沒忽來至此菩薩前住摩那婆爾時菩薩忽然覩見寶幢如來應供正徧覺身相莊嚴三十二種殊特微妙狀若金山生大希有重尊敬心於彼佛所猶如父想而彼菩薩心生如是尊敬事已起愛重心不自勝任慙愧悲泣前詣佛所雙膝長跼頂禮佛足右遶三匝退住一面如是菩薩慚愧悲泣禮敬佛時彼佛卽以手摩其項然此菩薩被摩頂已尋

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

自念言過去諸佛初未聞見行是悲願而欲於彼生死空野無佛劫中爲大利益濟度如是不識恩養非法衆生不信三寶不敬沙門及婆羅門不孝父母不友兄弟不知尊卑諸如是等失心衆生墮空劫中專行惡法我於今時須作法因不憚勤苦光揚教化咸令具足發斯誓願摩那婆時彼如來知此菩薩內懷如是大誓願精進卽便爲說三種業藏旣聞說已曾於過去諸如來所聞此三種教藏法門皆現在前是菩薩從寶幢佛聞此三種言教藏故遂於佛前發大誓願我必於此大空劫中如世尊教施作佛事時彼

如來知是菩薩具足如是牢固誓願卽便慰喻并誠之曰摩那婆汝心願慎莫放捨汝應悲愍諸惡衆生汝當勤學諸佛所作終不得捨三種方便汝恒念此三藏法門摩那婆汝若有緣生亂心者唯當正念諸佛世尊汝於爾時但作是事摩那婆時寶幢如來如是教誡彼菩薩已以大神通還本世界復次摩那婆爾時香上菩薩摩訶薩從寶幢佛聞三教已常轉常念常現在前我於今者作何方便爲諸衆生宣揚解說咸令彼等知佛現存菩薩自念惟有神通大事可辦卽以神通下至第七風聚之處發大聲言汝等

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

衆生如是破壞云何而得不自覺知摩那婆爾時菩薩所出音聲徧滿三千大千世界一切衆生聞是聲已悉捨諸惡晝夜端身正念而住爾時菩薩見諸衆生悉起正念復更思惟云何而得出一音聲徧諸世界菩薩爾時卽作是念此諸衆生最極惡行我今應當如法教示摩那婆時彼菩薩次第教示一切衆生皆令安住於正法中過七年已彼諸衆生得住法行種種諸善根然是菩薩能令此一切衆生行種種行得種種法摩那婆以是因緣汝應當知彼時衆生於諸法中無有缺減然皆由彼寶幢如來過二十佛刹見

有衆生堪爲法器又此香上菩薩能有如是勇猛精進大誓莊嚴故爲敷演三教法藏摩那婆又彼如來捨置於彼九十二億那由他衆自來臨教香上菩薩爲成就故摩那婆汝今不應妄生憶想謂彼香上爲別異人當知爾時香上菩薩卽吾身是摩那婆我念無量無邊世界種種名字彼世界中所有衆生彼諸衆生所有心念於一刹那間我悉能知是諸衆生心所念法意所住處億百千種於一念中我悉知之若使世間諸佛國土隨有衆生善根成熟堪受三種言教業藏我當往彼示現成佛專爲宣說三教藏門摩

56789801234567899012345678910012345

那婆假使無量無邊諸世界中無有佛處但有衆生  
堪能受持三教藏者我卽於彼現爲佛身敎化開示  
是諸衆生何以故不欲令彼善根衆生喪失如是智  
慧處故摩那婆我常如是周徧觀察若見衆生毛髮  
善根卽往敎化何況衆生躬在我前歸依於我仗我  
爲師而不攝受不爲宣說乃更祕藏無有是處復次  
摩那婆我今爲汝更爲譬喻以譬喻故智人速解摩  
那婆如蓮華池其水盈滿蓮華開敷現於水上日光  
沒後冷露降時是衆華葉自然相合夜分既盡日光  
將現而彼諸華復還開敷當知是華應須二事何等

爲二者池水常盈不令乾竭二者節量其水不令  
華沒如是摩那婆如來亦爾爲諸菩薩訶薩等遠  
離怖處於二事中應深加護何等爲二所謂斷常若  
諸菩薩於是二見無執著者心智行處不假多功自  
然能滿若能極滿心智行處卽得入彼三藏智門摩  
那婆今者如來已爲汝等方便解說三言教藏而汝  
尚未捨離重擔更問如來此三言教藏因緣

敎證法品第四十一

阿難爾時上名意菩薩復白放光如來言世尊如來  
會說菩薩求法不捨重擔有所不知還問世尊以是

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

因緣我今不捨精進重擔數請世尊世尊雖欲捨置  
於我然我仍願諮問世尊譬如婆羅門大衆會時卒  
然有一異婆羅門寡見少聞不被呼請而輒自來求  
最上坐衆人諮問莫知所答經於七日而不得食世  
尊然婆羅門法寡於見聞問不能答假令七日不得  
一食而尚不免爲他驅擯其會衆中無哀憐者世尊  
我等如是數被如來諸所說中不爲盡解如被驅擯  
今雖被棄不蒙盡言然而我等誠願懇懃猶自不捨  
求法重擔諮問世尊何以故世尊無智愚人現雖多  
惡然其久後亦當作佛若當作佛要須諮問若不諮

問則闇於法門若闇於法門則不可佛慧亦復不得  
力無畏等乃至不得佛陀羅尼方便言說乃至不得  
道成號佛若不請問佛世尊者云何得成當來佛事  
世尊我於今日雖被驅遣在法門外然我要當請問  
世尊如是三種言教藏處阿難爾時放光如來聞是  
菩薩如是問已作是思惟此大菩薩精勤勇猛內具  
信心智慧深利今我不欲爲其解釋誠棄捨之然是  
菩薩終無恐怖亦不休息唯求諮問我於今者應爲  
說此阿等法門譬喻解釋令漸學此三言教義因是  
字門以入宮殿亦此億數諸菩薩等思惟分別此法

門故當自證知諸波羅蜜方便行處是波羅蜜所有  
義理從此方便言教門中當應自見彼諸菩薩如是  
問時思惟不亂心盛分別不憚勤勞而得問辯卽於  
爾時生大歡喜生歡喜已漸得入此三教藏門阿難  
放光如來正思惟時諸菩薩衆承佛力故知如來心  
阿難爾時諸菩薩摩訶薩衆發如是心我等今者誠  
可思惟此三句義何者是此三教業藏所謂卽此阿  
迦那等諸字門耳言阿字者云何最初方便開導言  
後普證我於今者從阿字門思惟分別憶念受持更

不諮問如來是義亦知如來方便教示諸菩薩衆作  
是念已各於衆中端然立住於一時間思惟觀察阿  
字法門方便義處於其中間不念餘事時諸菩薩如  
是思惟滿足七日卽得證知彼阿字門宮殿義處云  
何證知言證知者如如來說猶如取板方便執持不  
破不壞善加刮削平治令淨量度長短然後色金暴  
曬令乾乾已揩摩摩已持筆書置板上方得成字摩  
那婆於意云何彼板如是善治理訖當於爾時板中  
已有色相可見名字可說耶諸菩薩言不也世尊佛  
言如是如是摩那婆是時無有色相可取名字可說

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

唯有言說如是我聞等修多羅文句次第摩那婆汝等聽我方便解說此譬喻門還如是持可不正以治理彼板令無塵垢或以色塗卽於書時無復有物於文字句能爲障礙耶如是如是摩那婆是故我說四大身中得入宮殿猶如彼板摩那婆入宮殿者云何而入摩那婆然此諸界有二種事方便教授故言宮殿何等名爲二種事也摩那婆猶如彼板精好治理卽是如所聞已分別思惟云是我身而得安住又如彼板善治理故不用多功而得書字彼人見已心生歡喜如是如是摩那婆一心正念除諸煩惱思惟云

聞普知所作正住清淨亦復如是摩那婆又如彼板善治理已得好筆墨思惟方便點畫分明文字章句皆悉成滿摩那婆若令彼板不善治理筆墨不精彼之所書文字章句不甚分明不可辯了如是如是摩那婆若人心不清淨煩惱穢濁意業不善則於所說不能照明如板筆不精文字不顯摩那婆汝等應當如是解說彼阿字門漸入宮殿如彼板喻應當善持若不解了卽應更往諮詢如來爾時諸菩薩言世尊以是因緣我等皆應更善思惟此方便門世尊我等但知思惟一邊不知一邊今當奉教更審精思若得

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

知者便爲大善如不知者還請世尊爾時放光如來復告諸菩薩言摩那婆以是因緣我今於此須彌山頂不盡解釋如是義處須後還下至大地時然後可得盡說是義憐愍一切諸世間故諸菩薩言世尊假使如來住於億劫我終不捨是精進心要須諮問此三句義佛復告彼諸菩薩言摩那婆汝等莫捨大慈悲心亦勿生念今日如來遺棄我等何以故如來口言無有虛妄如來口業終不虛發所以者何諸佛世尊口業所出無不皆令一切安樂摩那婆諸佛如來具足慈悲但爲憐愍諸衆生故凡有所作乃至一切

舉動語言無不皆爲一切衆生甘露良藥摩那婆如來世尊知時爲說何以故摩那婆是諸凡夫於如來所無有定業假使後時得少微緣還起亂心是故汝等於是法中莫生疲懈

## 大法炬陀羅尼經卷第十六

音釋

鵠鵠

鵠其俱切鵠余刮削刮古滑切摩刮也

暴蒲木切

曬所戒日乾也

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

金壇子門曹氏法名三滿道人奉爲亡父曹三  
大法炬陀羅尼經第十六卷以資冥福計字五  
千七百十二個該銀二兩五錢七分一厘  
天啓乙丑歲冬十一月金沙顧龍山譯

## 大法炬陀羅尼經卷第十七

隋北天竺三藏法師闍那崛多等譯

### 說無住品第四十二

阿難特諸菩薩摩訶薩衆於放光如來前陳自己心所念六事向如來說爾時彼佛知諸菩薩心有所念卽復告言摩那婆汝等意念所入境界寬大無量汝於是中莫生厭倦摩那婆如彼大地所依住者求其邊際終不可得諸菩薩言世尊如是等句說何義理而如來說所有依彼大地住者無有邊際世尊此說謂何等法住於大地又世尊先說一切諸法無有住

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

處我於是中欲問如來此微密義如來今乃說彼諸法一切皆住或言無住是義云何阿難時放光如來復告諸菩薩摩訶薩言摩那婆諸衆生等凡有如是八種住處一切衆生住此八處轉諸行輪無有窮已何等爲八一者斷常所謂著我不捨我等諸事業故摩那婆是爲第一世間衆生之所住處二者眷屬所謂父母兄弟姊妹妻妾男女如是乃至宗族親戚等摩那婆是爲第二世間衆生之所住處三者生處所謂三界五道所生之處直就人中自有三品上者王公尊貴中者豪族富勝下者貧窮下賤餘亦如是生家因緣具足我想故摩那婆是爲第三世間衆生之所住處四者資財所謂奴婢作使象馬駝驥牛羊猪狗倉庫穀米綾羅錦綺金銀瑠璃摩尼真珠乃至世間種種衆寶如是一切貪愛保著故摩那婆是爲第四世間衆生之所住處五者容貌所謂身體端正色澤光華氣力雄猛威儀具足諸如是等爲我財故摩那婆是爲第五世間衆生之所住處六者種類所謂四族卽彼刹利婆羅門毗舍首陀等咸有種習氣類風俗各以爲能我心成就故摩那婆是爲第六世間衆生之所住處七者作業所謂習禮修仁仿農勤園

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

工巧衆技賣賈往來諸如是等世間作業久習精便  
 增長我慢故摩那婆是爲第七世間衆生之所住處  
 八者尊重所謂守護即是天龍夜叉阿脩羅乾闥婆  
 迦樓羅緊那羅摩睺羅伽羅刹毗舍闍鳩槃茶薜荔  
 多山神樹神地水火風乃至種種諸神鬼等皆來承  
 事禮拜防護此亦世間凡夫事業摩那婆是爲第八  
 世間衆生之所住處摩那婆當如是知此八種事一  
 切世間諸衆生等皆具足住摩那婆何因緣故名爲  
 住處當知彼等皆依無明我慢結使而生住著故言  
 住也復次摩那婆彼諸衆生長夜裏修增長如是無

明我慢諸結使故彼既熏習增長是事已終不捨離  
 頽倒妄心以心倒故更於是中思惟分別作定實想  
 云何實想於受想時卽生實想然復於此四大之中  
 著如實相而實不知真實之處而復於中作大我想  
 作衆生想亦作常想生常想已卽住此想彼以癡故  
 壮於無明極深闇處而不自覺我等今日常沒惡胎  
 不能自出摩那婆若諸智人於生滅中無如是想何  
 以故如是智人已滅我想故是故智者常應勤作如  
 是思惟是中無有生滅及生滅者但是世間愚癡人  
 等不捨如是顛倒事故縛著迷惑終不覺知一切諸

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

法本性空寂凡夫於中妄生我想以我想故彼因具足初顛倒法而復於是受想聚中不正觀察不善思惟不知是身無常臭穢更於其中生清淨想以是因緣彼復具足第二顛倒以先成就常我想故卽生淨想起淨想已復於苦中而生樂想以是因緣復當具足第三顛倒以於諸苦根本之中生樂想故何謂苦本云何生樂摩那婆所謂名色初生是苦根本名色具故卽爲父母兄弟姊妹宗親眷屬之所圍違復爲妻妾男女恩愛之所纏縛復爲朋友儕類諸知識等之所牽連復爲良家大姓形容色貌等之所亂惑復

爲奴婢僕使供侍左右等之所煩擾復爲象馬駝驃牛羊豬狗穀米倉庫生熟厨宰金銀摩尼種種財寶之所妨礙或復後時果報離散於如是等大苦聚中愛著我心而生樂想然彼終無暫時生念我今住是大險難中我常爲彼生老病死之所摧辱我今被壞被破被滅而我現前所有衆具競來圍遶盡是我賊能劫害我彼諸癡人應作是念此所圍遶甚於虎豹豺狼野干鷦鷯鵞梟烏鵲異鳥及諸怪類爲我眷屬我今住此大恐怖處常溺如衆苦輪中以我愚癡反生樂想摩那婆譬如世間塗利劍愚人貪味舌

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

受其殃如是摩那婆凡夫亦爾以愚癡故於彼大苦無常法中獲得是身生常樂想是故住彼四顛倒中住顛倒已於不實中生於實想而不能知昔施因緣今日得報爲衆苦本摩那婆此是衆生世間住處彼諸衆生皆悉住著此破壞中滅九種分摩那婆一切凡夫皆悉共有如是住處然此住處非真住處是諸凡夫但以不正思惟邪想相續顛倒住此非真住處摩那婆汝若復問不住法者云何解釋摩那婆不住法者卽一切法無住處故復次摩那婆於意云何彼迦羅邏時所有諸大有住處耶不也彼成就業有住處耶不也彼名色時有住處耶不也初入胎時有從來處耶不也彼迦羅邏諸大所有支節名色如是一切有從來處而受胎耶不也摩那婆世間所有一切四大有住處耶不也彼五受陰成就諸根有住處耶不也摩那婆如是乃至住昔所有一切布施因彼受此和合業果皆有住耶不也世尊佛言如是如是摩那婆彼一切住卽是非住但是思想移來次第相續故有生耳若有人問當云何答此但名字成就集聚諸物不是造作於彼無常破壞事中不能觀察正思惟故何故不觀以依顛倒造諸業故云何不得正思

經  
卷之二十一  
正思惟  
五  
可七  
東京大学総合図書館所蔵

處耶不也彼名色時有住處耶不也初入胎時有從來處耶不也彼迦羅邏諸大所有支節名色如是一切有從來處而受胎耶不也摩那婆世間所有一切四大有住處耶不也彼五受陰成就諸根有住處耶不也摩那婆如是乃至住昔所有一切布施因彼受此和合業果皆有住耶不也世尊佛言如是如是摩那婆彼一切住卽是非住但是思想移來次第相續故有生耳若有人問當云何答此但名字成就集聚諸物不是造作於彼無常破壞事中不能觀察正思惟故何故不觀以依顛倒造諸業故云何不得正思

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

惟者不說諸有皆因緣生不依住故若正思惟一切  
皆是無住住也如是觀者名爲正觀若能如是順正  
見時於所生色身卽自能知來處去處於所住二著  
法中得解脫時次第捨離而心不亂心不亂已更復  
得具大歡喜心得喜心已如前次第分別文字得文  
字智名入阿字宮殿法門如是次第皆當覺知摩那  
婆彼於入時無有煩惱能成就者觀本不生然後得  
入是宮殿處摩那婆以能如是正思惟故入彼宮殿  
爾時方得明了證知其心本來迷沒之處既得證知  
心亂處故爾時便得真見純直既得純直見心量故  
卽得光明得光明故於諸因緣無有住想無住想故  
卽得諸法無住真處

說聽功德品第四十三

復次摩那婆是諸法師不應住彼一切法也應作不  
住一切法想應如是入如是入已則當覺知無量名  
字所說諸法彼名字法應當自然而得增長如是法  
師住幾種法幾種名字當能觀察諸法次第乃至文  
句種種次第然彼法師還應如是護持是法念常現  
前住是法中不失不忘句義次第以不亂心住句義  
中雖住其中住無住處摩那婆譬如妙巧織師善用

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

絲縷於織作時或失其縷是人但以善巧方便次第尋求不用多功衆縷百頭一時俱得如是摩那婆若諸法師當說法時或失法門章句次第法師爾時應當念是入宮殿門何以故摩那婆若彼法師登卽憶此宮殿法門所忘句義不明了者無有是處摩那婆又如善磨清淨明鏡竚所現像若一若二若五若十乃至衆多皆悉明了摩那婆此宮殿門亦復如是法門章句不可但以一相二相三五十相若百若干或復億數乃至無量諸相名字而可得也何以故是中所可宣說但爲凡夫分別諸法斯皆安住如實想中

欲令知此諸法生處滅處既得觀知生滅處已爾乃得知虛空少分終無有人能偏知空而諸凡夫以我想故於法師所及法門中生少分想然而此想不知是義何以故是阿字門宮殿處所能有如是無量光明照曜開顯方便宣說法師既得如是無量光照明門其所說法或經一劫或減一劫乃至盡其壽命如是成就具足說是法門終不能盡復次摩那婆是中五字義次第說應當受持若於如是方便言說得證知者彼三言教次第得說摩那婆云何持此五字法門或說初一五字法門或時盡說阿難爾時彼諸菩

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

薩復白放光如來應供正徧覺言世尊云何說一佛  
言摩那婆所言一者卽是先說初五字法能令一一  
文句相續其阿字者初不亂心相續次第和合囉字  
法門相會其迦字門行別觀相續不斷遮字法門  
種種行中應知摩那婆猶如四方各有一人是四種  
人欲觀須彌并觀四海及以四洲如是四洲繞須彌  
山自須彌外無第五洲應當知此邊際境界作如是  
想彼中多有衆生住處摩那婆當知是說通數須彌  
以爲五洲其間所有皆是大海應如是觀何以故若  
攝住處彼之五洲如是次第當知如是五字法門其

事亦爾月於其間增減往來當知此卽五字門義其  
阿字者無所偏著猶如山王四面周帀有彼四洲四  
海圍遶其間所有日月光輪及諸星宿等一切皆是  
無所依著運繞須彌爲衆生用以是因緣諸衆生等  
作如是想此晝此夜此是晝夜摩那婆今者世間有  
如是法日月星宿繞須彌山輪廻而行以日月故言  
是晝夜半月一月半年一年以有如是次第故作如  
是覺知覺已安置世間事相亦卽參會諸佛語言法  
行不合若不能知應請法師問其可不可以不問故毀  
謗正法無有信根以不信故諸佛世尊徒出世耳摩

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

那婆自從昔來無量百千諸衆生等在於衆中不能  
 信受如是經法於是法中乃至不能請問一字一句  
 一偈心不清淨唯有疑惑毀謗法師及如是法以是  
 因緣墮於惡道我今爲汝說彼疑人以毀謗故墮於  
 地獄畜生餓鬼備受衆苦輪轉往來無有邊際摩那  
 婆我今語汝此大衆中若有如是不信心者速須捨  
 棄不得停留何以故摩那婆於佛法中無如是事諸  
 如來法無量寬大不可思議摩那婆若如來住世經  
 無量億那由他劫者能爲衆生說種種法義何以故  
 摩那婆諸佛如來見有受持是正法者必欲令其不

顛倒故復次摩那婆我今畧說一切菩薩摩訶薩利益  
 法者於此法中一切世間無有諍事何以故摩那  
 婆諸衆生等長夜憶念富伽羅想思惟分別漸當寬  
 大而作常想常著有想於三界中心生顛倒住顛倒  
 故不知觀此諸行無常是中我心顛倒迷惑不能如  
 實觀於無常而作常想卽成常見住是見已熏修種  
 種煩惱衆結增長嫉妬嫉妒盛時卽生斷見住著如  
 是常斷見故入諸見林熏習不已墜墮空曠大黑闇  
 中惡見成故卽此生中於諸如來應供正徧覺所無  
 有信心何由能有敬心聽法及知法師說法處所乃

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

至聞說起隨喜心摩那婆汝應當知是中平等無有二也若諸法師講宣法時有人聽受如是法門彼說法師及聞受者二人獲福等無差異但當教彼如法住也摩那婆如來說法有無量種而愚癡人等不知思惟如來所說法門句義隨諸衆生根宜而說如是法義隨聞信受長獲大利摩那婆如來於法終無祕藏如衆生界無有藏處如來如是爲諸衆生降注法雨無有斷絕摩那婆如來既知是諸衆生心無藏處是故如來常注如是不藏法雨摩那婆如來若不爲諸衆生常注法雨爾時世間應大憂怖何以故諸衆生等喪失深故摩那婆如來若知億百千數諸大衆中有一衆生於功德門一法句義少證知者如來爲彼一衆生故住世宣說過恒沙劫何以故摩那婆能受如是法器衆生世間難值故摩那婆汝今不應起驚怪心若諸如來說一法句而衆生等不能解者假使聞說諸餘法門亦不能解何以故摩那婆以其久於煩惱生死流轉之中造作如是無量無邊諸不善行當知悉由放逸根故摩那婆汝於是中莫生變退若諸衆生聞說斯法能受行者當知是等久習信根及

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

大智業力摩那婆是故汝今應當學彼過去丈夫名  
曰善賢復次摩那婆汝等應觀阿迦那等三字法門  
云何觀此三字門也何因緣故彼阿字門爲十四句  
中間分齊摩那婆是三言教方便生處以阿字門方  
得入故何因緣故彼迦字門以二十一字爲境而得  
說三言教故乃至彼那字門於七句中而爲境界通  
達業藏盡攝取故摩那婆彼章所有四十二字義句  
門者此卽名爲世間心中出入息事是中丈夫四十  
二息從一一息依數取之智者應當分別解釋何故  
言阿云何名息摩那婆若諸衆生息往來時彼衆生  
等壽命得住往而不還是名息滅當知爾時則爲命  
盡摩那婆彼旣滅盡復何應觀以息滅故得知如是  
諸衆生命摩那婆息若滅時云何應觀息若存時復  
何應觀摩那婆汝等當觀彼阿字句心爲根本無有  
文字初方便故應如是觀汝應知彼心業和合及與  
氣息出入往來始從阿字乃至又字摩那婆云何又  
字爲盡句數此虛空數勝出入息若有觀者當應善  
觀不得增減於中若能知又字相不斷不亂至於第  
十出入息中亦當不斷若是數至第十息相續不斷  
次第不亂當知爾時則得住也旣得住已卽觀諸

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

法生滅破壞爾時既滅出入息故卽生安想得安想  
故復得無量身心歡喜既住歡喜復得樂想不離功  
能及以方便卽得入彼阿字宮殿入宮殿已還得如  
是隨順之法住心所行摩那婆於是法中既無思想  
云何名識復於何時心住一處卽於爾時思惟彼心  
非滅非滅何以故摩那婆彼人爾時心想若滅誰  
復能入彼虛空者但彼心想旣住一處所有法門自  
然現前一切文義無隱藏者意欲多說隨意則能摩  
那婆復於何時出入息住云何衆生作如是想此人  
存活此人退墮此人始生此人終死摩那婆出入息

者卽是風氣於何時中知彼風住復於何時知彼風  
滅摩那婆所言風者卽是攝在出入息中此但是我  
方便言說云何名爲方便說也譬如一切出入息滅  
則名爲死如是摩那婆說法息滅當知卽是正法滅  
也法不轉故說言法滅衆生唯見此諸法滅言正法  
滅然是正法實無滅也摩那婆汝等不應憶想分別  
謂正法滅汝等於此正法之中莫生疑惑當如是知  
復次摩那婆於意云何後身菩薩坐於道場將成阿  
耨多羅三藐三菩提時如是菩薩假師教不不也世  
尊菩薩爾時無有人教自然得成阿耨多羅三藐三

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

菩提摩那婆應如是知菩薩爾時無有師教自然證  
知何以故爾時將爲一切世間作自然師誰復當堪  
爲彼師者是故汝等當如是知又復由證第三明已  
爾乃得名阿耨多羅二藐三佛陀於一切衆生大衆  
之中最勝最上於說法時若有沙門婆羅門若人若  
天若魔若梵一切來問是般若波羅蜜無能勝者於  
諸法門無有障礙若說一句經恒沙劫終無窮盡以  
是義故稱言如來又復摩那婆無有等故名爲如來  
一切世間難可得知云何而言此是如來夫如來者  
既不可以眼相知故云何可見摩那婆當知此乃一

切諸法虛空處也

諸菩薩證相品第四十四

阿難爾時放光如來爲諸菩薩摩訶薩衆說是虛空  
宮殿門時有四那由他衆生於諸漏法中心得解脫  
時彼億數諸菩薩衆皆得入是大宮殿三昧阿難彼  
諸菩薩摩訶薩衆以皆入是三昧力故令彼佛土一  
切無有山陵堆阜石沙瓦礫荆棘惡草及諸坑窪地  
平如掌阿難爾時放光如來應供正徧覺告天帝釋  
言憍尸迦汝宜觀此億數菩薩摩訶薩衆皆得入是  
大宮殿三昧生歡喜心以是菩薩三昧力故令此佛

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

利一切成就猶如三十三天宮殿阿難彼放光佛住世久近及佛利莊嚴亦復如是阿難爾時天帝釋白放光如來應供正徧覺言希有世尊爲獨由此諸菩薩摩訶薩等大精進力及其三昧威神力故令此佛土一切成就如是莊嚴爲由世尊道德威神加持力故致得如是阿難爾時放光如來告天帝釋言憍尸迦汝意云何此三十三天及其眷屬微妙莊嚴各處已宮自在受樂此時爲但天王威力能令若是爲彼諸天往業因緣今受斯報阿難時天帝釋答彼佛言世尊我已知也我已知也阿難爾時放光如來欲具

查此諸菩薩等往昔因緣故復告天帝釋言憍尸迦我憶過去無量世時有一大劫名善行路彼劫有佛號曰山上如來應供正徧覺出於世間其佛壽命於彼劫數四分之一過是已後入般涅槃佛滅度已有二菩薩出生其利名曰明相成就諸根身漸長大聞山上如來入涅槃後於此三千大千世界一切住處皆悉興起舍利寶塔爲是事故躬自徧行閻浮提中盡於海際從閻浮提次欲往詣第二洲處多諸海難無由得過卽復停住如是思惟我今發趣求大利益方將徧觀大千國土甫此洲間少許留難尚不能度

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

經

大法外傳卷第十一

十一

西

況餘天下無量洲渚及大鐵圍所有巨難云何可過且亦無有世間衆生輕微身力率爾卽能從此至彼亦無有能從彼來者今日如是自餘洲渚如來寶塔云何可得往彼供養復作是念而我今者唯以神通移此洲中懈惰衆生安置餘洲觀諸寶塔隨有何供所在徧奉無令有乏又此三千大千世界所有如來舍利寶塔以我三昧神通力故皆成瑠璃衆寶莊嚴令此世界皆悉平正無諸瓦石荆棘毒刺乃至無有如芥子許沙礫瓦石亦無毛髮溝坎塹若諸衆生居此土者一切所有功德果報莊嚴樂事皆悉如彼

忉利天宮又復願令諸寶塔中咸有五種天妙音聲娛樂供養無有斷絕如是乃至三千大千世界所有舍利寶塔彼諸供具亦令常有五種音樂無斷絕時又願此世界徧佛刹土衆寶所成亦常雨天曼陀羅華憍尸迦時彼菩薩如是念已於彼洲間卽便入於火住三昧入三昧已彼界所有悉知心願一切成就憍尸迦彼佛刹中諸菩薩等咸覩如是不可思議世間希有殊特之事彼佛刹中乃至所有百億日月百億須彌山百億四大海百億四大洲彼諸洲渚晝夜常見佛刹土中是諸如來舍利寶塔亦皆得見彼諸

經

大法外傳卷第十一

十一

西

塔中所有舍利殊妙莊嚴是諸衆生見此事已皆生歡喜踊躍無量各作是念今此境界誰所作也。僧行迦爾時閻浮提中有一比丘是阿羅漢具六神通諸漏已盡時諸衆生各作是念我等今應問此比丘如是境界誰之所作。僧行迦爾時閻浮提一切大衆皆共往詣彼比丘所到已白言尊者大德今何因緣忽見如是未曾有瑞此閻浮提嚴淨若是惟願爲我解釋斯事如此奇妙誰之所爲。僧行迦時彼比丘告衆人言諸人當知此閻浮提有一菩薩名曰明相能發如是大精進力云何當令一切衆生得受安樂如是念已卽於洲間入於三昧住大神通神通因緣現如是事。僧行迦時諸衆生於比丘處聞是言已皆卽共詣彼菩薩所到已恭敬禮菩薩足右遶七匝生大尊重更復頂禮住菩薩前復次僧行迦時彼菩薩摩訶薩端身正念從三昧起告大衆言諸仁者汝今可來與我遊歷行此三千大千世界徧觀如來舍利寶塔。僧行迦時彼菩薩摩訶薩將諸大衆從洲至洲觀如來塔禮敬供養時彼諸洲所有衆生以尊重心隨從菩薩而彼菩薩所將大衆隨諸所須皆令充足終無闕少。僧行迦如汝於三十三天中隨諸天衆所須之

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

具皆令充足亦復如是彼諸衆生當爾之時一切無  
有耕墾田疇商賈求利行諸惡事不淨活者彼時衆  
生因菩薩故具足皆受如意快樂憍尸迦爾時明相  
菩薩摩訶薩周行徧歷三千世界觀如來塔令諸衆  
生咸起殷重尊敬之心供養寶塔自亦興造種種供  
養因節教彼三千世界所有衆生皆悉趣求無上菩  
提乃至盡壽修菩薩行憍尸迦彼菩薩摩訶薩有如  
是等大願威力憍尸迦明相菩薩摩訶薩去此佛土  
過千億世界有佛世尊號娑羅王處衆說法如是菩  
薩今現在彼然是菩薩亦於將來過四十阿僧祇劫  
得成正覺名無量壽如來應供正徧覺時彼菩薩得  
菩提已諸有衆生得聞名者皆悉隨意得般涅槃皆  
各於彼所住世界成就本願證阿耨多羅三藐三菩  
提憍尸迦以是因緣汝當知此諸菩薩等自有三昧  
力無畏等非如來與威神德力憍尸迦若有菩薩欲  
學諸佛行欲入佛境界或時值遇如來現前時彼菩  
薩卽應詣問彼佛如來而彼如來爲彼菩薩爲將爲  
導如法而說教令修行憍尸迦諸菩薩等更作何事  
而於諸佛如來法中不欲學行憍尸迦諸菩薩等必  
當勤學若欲求學心自在者不於一切諸佛法中學

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

幻化相云何當得爲於世間是故應當善自學已然後爲人橋戶迦一切世間外道神仙彼等但以少持戒行精苦攝心尚具五通隨所應作如意得成何況菩薩多劫具行六波羅蜜滿四神足而更不能作如是等少分變化橋戶迦汝於是中何所驚怪且卽斯事無有神通所以者何一切諸法皆如幻化橋戶迦汝於是處勿復生疑何以故橋戶迦如來弟子見諸世間猶如幻化無有疑網所以者何彼信如來卽自見法是故自信不唯信他何以故若世間人旣自見已彼入終不更取他言橋戶迦如人裸露在道而行

設有一人語衆人言此人希有錦衣覆身橋戶迦於意云何彼雖有言自餘衆人信此言不不也世尊何以故眼親見故佛言如是如是橋戶迦諸佛如來諸有弟子自見法故不取他言其義亦爾

### 大法炬陀羅尼經卷第十七

#### 音釋

彷六直切與  
力同勤也儕牀皆切  
等輩也鵞鵞赤脂切怪鳥也梟古堯切不孝鳥也

弃疾政切

墾口很切耕  
田反土也疇直由切

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

金壇子門曹氏法名三滿道人奉爲亡父曹三  
陽亡母呂氏捐資刻此  
大法炬陀羅尼經第十七卷以資冥福計字六  
千八百四十九個該銀三兩零八分二厘  
天啓乙丑歲冬十一月金沙顧龍山識

## 大法炬陀羅尼經卷第十八

隋北天竺三藏法師闍那崛多等譯

### 如化品第四十五

阿難爾時天帝釋復白放光如來言世尊我於是中  
都無疑惑世尊亦當先體我心然我今日冀得如來  
久住於此忉利天宮袁受我等輕微供養以是義故  
我問如來世尊今者將諸大眾不見遺棄臨顧我宮  
我心欣踊不自勝任何以故我從生來初未見聞諸  
阿脩羅及諸天衆歡樂共住今蒙世尊加持威力令  
我諸天共阿脩羅歡娛受樂阿難爾時放光如來應

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

供正徧覺告天帝釋言憍尸迦汝豈不知我今爲此  
十四菩薩摩訶薩等滿宿願故增長善根故成其慈  
惠故我今要欲攝此菩薩敎示之故又爲此等得坐  
道場熏修因故阿難爾時十四菩薩隨從其父善臂  
阿脩羅王在善法殿於放光如來前整理衣服徧袒  
右體右膝著地合十指掌白言世尊我等自從有所  
聞說盡力尋思未能開解但於如來生敬重心故敢  
諮問如是義處世尊已證三種言敎方便業藏我等  
今日全未受持是故我今欲知此義惟願演說三法  
藏門佛告諸菩薩言善哉善哉摩那婆汝等欲聞如

來法藏耶諸菩薩言唯然世尊願樂聽聞阿難爾時  
放光如來卽自舒其金色右手置於空中告諸菩薩  
摩訶薩言摩那婆汝今當觀如來世尊手在何處諸  
菩薩言世尊我等惟見如來世尊手指虛空佛復告  
言摩那婆於意云何此虛空者可得作耶不也世尊  
可得見耶不也世尊可得聞耶不也世尊佛言如是  
如是摩那婆若是虛空可作可見可聞可觸者便可  
證知如來藏義亦復如是汝應善知摩那婆但是如  
來應供正徧覺證阿耨多羅三藐三菩提已見諸世  
間猶如幻化假說諸法方便不現引導衆生何以故

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

是中衆生有著法想是故如來爲其說法其實如來亦無所說摩那婆若必有此三教藏者彼不可動亦不可說說於無說不可成就摩那婆若是虛空有增減相無有是處惟彼如來有是境界所謂建立諸法是中如來見諸世間猶如幻化住大慈悲說如斯法令諸菩薩摩訶薩等得如斯法無有損減復次摩那婆一切衆生有四十二出入息等爲四十二出入息句令彼學知說字根本是中若有菩薩摩訶薩具得如是四如意足而彼菩薩亦不能爲諸衆生等說如是處所謂初阿字門四十二句如是次第數至八分

於八分中所有分段節是爲諸衆生說八思惟處於世間中說此八法不令斷絕是爲第二教藏法門汝應思惟修行此法摩那婆如阿字門不縛不解當知一切諸法所有語言可說可見彼等一切不縛不解云何名爲不縛不解摩那婆不縛不解者謂一切法性本自空誰能於中爲縛爲解摩那婆如彼板上文字章句乃至言說亦無住所若不方便有是言說無一衆生知一句者摩那婆是爲總解藏法門義時諸菩薩復白佛言云何總解佛言摩那婆汝應受持此入法義汝於是中莫生疑惑此解說中無有疑網云

何無疑一切諸法皆如幻化摩那婆世間所有諸語言法如來世尊悉知悉見是中衆生有疑心者如來說如是等法能令彼等斷疑惑心云何斷疑爲作方便譬喻解釋故如說於此中住是則還令住阿字門得相生法摩那婆汝等惟應六日正念成如來業當思惟時更莫他念汝若思量法相義時但當如是正念現前念如來故爾時若有所說若無所說於是法中無有疑心因是六日念如來已卽能覺悟阿字法門於六月中不思飲食以是念故於如來前更得無量無邊辯才如是念已若得迦字法門名者卽亦能得成就思惟此第九分於一心中云何得生惟有如來住處故能知此亦卽不離如是說處一切諸法猶如幻化汝摩那婆勿生二想亦莫致疑亦不須作宮殿想也但於六月念迦字門因此卽復思念如來若能成就三昧定者假使如來不現在前亦卽得見莫生疑惑如來未爲汝等作究竟斷疑之語是故汝疑未能斷絕又復如來雖爲汝說終不得盡何以故摩那婆譬如樹華時出華果時出果摩那婆於意云何彼樹若其華時未至求華得乎不也世尊果時未至求果得乎不也世尊佛言如是如是摩那婆如

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

來亦爾說時未至故不說耳摩那婆於意云何又如彼樹可知來處乃至華果知來處乎不也世尊佛言如是如是一切所有能說所說俱無來處摩那婆或時有人發掘彼樹拔其根莖枝葉出已復以刀斧芟剗令碎乃至無有如棗栗許摩那婆於意云何彼樹如是被分散已求本華果有可得乎不也世尊何以故既破散已乃至無有樹相可見焉得華果佛言如是如是摩那婆一切諸法無有相故云何可說復次摩那婆若諸法師昇法座已爾時先當念阿字門亦念如來三言教藏不得放捨如是諸行於彼三門相

續念處念已復念作是事時乃至不起諍論言說摩那婆若諸法師欲說法時應當念彼六日事業不得捨離亦無休息一切諸法可得證知摩那婆彼迦宇門語言解說相續不斷當於彼中阿字爲初與智相合二十一句方得具足摩那婆夫言教者即是其中二十一句次第不亂摩那婆以是事故諸佛世尊希出現耳何以故彼時無有如是法行雖有多人終亦無能如法行者是時亦有無量衆生初亦起心愛慕是法及其臨事多生驚恐終無所獲摩那婆若復有人作是思念我如是行卽得成就諸佛法者彼爲執

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

著若此執著是佛法者何故往昔劫初時人於內外物無我我所不著諸法不假造作果報自然意須卽至其後漸漸起諍競心喪失自然衆味果報摩那婆以是因緣汝等當知諸佛世尊終不執著佛菩提也汝於是中不應生著若執著者不得受樂何以故夫執著者衆苦根本摩那婆汝等當觀鬱單越人雖與三方同受人身果報最上彼於生中雖無施等然壽終後皆得上生欲界天宮摩那婆汝應當知無爲之事乃至能得多時受樂若彼有爲著我我所是人無有一不善法而不受者摩那婆不善法者所謂一切

諸行生死是故如來常誠勿著有爲諸法摩那婆不作不著有爲法者卽是如來究竟宣說修行施等五波羅蜜是故於一切處說諸波羅蜜共相熏修云何熏修修行施已則能聽法至聽法所便能諮詢於諮問時見有勝法卽便求學彼等若知諸法無勝無我無執無生無出卽於一切有爲法中能如實知爾時則於諸如來所得真信根彼等復能發勤精進云何能起勤精進心以有如是大方便故則能速發阿耨多羅三藐三菩提心願令我等於此法中常得修行終自證知聞說如是般若波羅蜜時不生驚怖摩那

婆是中云何能無驚怖彼於一切皆有捨想云何捨  
想所謂於諸法中無有希望亦無諍心何以故如幻  
化想故摩那婆是爲顯示說義於如是等諸波羅蜜  
卽解脫因如來說法因斷諍故不起諍競故雖斷於  
生而不斷故。

緣生法品第四十六

爾時諸菩薩復白放光佛言世尊云何名爲令生不  
斷不全斷故佛言若如是者一切諸法如實說中無  
有疑處無疑處故如是證知當於爾時令生不斷亦  
非不斷持是法行得度彼岸我今如是說不斷時諸  
衆生等猶不能知何況能有受持法者摩那婆譬如  
大海常能容受一切天河及以衆流億百千數悉歸  
大海而彼大海無滿足時如是一切諸衆生等具足  
三種貪誑衆惡諸佛世尊恒爲宣說佛菩提等一切  
法門初無斷絕尚不能受何況有時斷而不說摩那  
婆以是因緣諸佛世尊降大法雨未曾斷絕何以故  
不欲令彼當來愚惑盲冥無目諸衆生等墮陷非道  
摩那婆譬如因於日月光輪一切世間知有晝夜一  
切法輪亦復如是若諸法師爲他說法是人求法讀  
誦通利復能徧說作世證明爲彼昏睡盲冥衆生不

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

能斷絕生死網輪說令斷絕又復爲彼嫉妒不信常  
被三事覆纏羈繫墮於惡趣障礙衆生然大法炬因  
是明故衆生見法若諸衆生墮在惡道即得速出既  
得捨離險惡道已彼各共求平坦正路摩那婆平正  
路者若能遠離險惡道者即平正路摩那婆汝等若  
於如是說中不信行者難得解脫能信行者是人當  
爲一切世間開大利門彼得法已轉相教授衆生聞  
者盡作燈明而諸衆生各相謂言如來爲我說真實  
法復示我等不顛倒說摩那婆汝應如是精勤不懈  
成就正業正業成故遠離塵垢無有染著無染著故

得清淨見見清淨故無復冷熱一切世間所有衆事  
皆得成就正善業故諸餘衆生更作異說種種邪法  
不善業行於彼人所當起捨心應自思惟修對治法  
若得修學如是法已卽能於彼六十二種惡邪見中  
得實知見成就真法滅除一切如實障礙復次摩那  
婆若說法師常爲如是億百千數信根衆生具說法  
要或復有人但爲一二破戒邪見重惡衆生一彈指  
頃少時說法隨彼惡人受與不受其說法師所得功  
德勝前福聚無量無邊因此善根於當來世所生常  
得精勤勇猛供養諸佛彼時雖有多種衆生若人非

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

人聞正法已心生恐怖汝等但當爲說正法摩那婆汝應觀察諸衆生等常有如是無量惡欲詣誑我慢無明黑闇覆蔽纏縛以纏覆故於是法中生大恐怖自恐怖故不能行法假有所說亦復不能令他受行或時自知煩惱障礙更相謂言我等今有如是衆惡雖聞正法不斷諸見如是諸見我應除斷云何應斷我今自知須斷諸見若受衆見而不斷者卽入黑闇邪見叢林以邪見故常爲生死繫縛摩那婆若佛世尊爲根本衆見自然解脫生死繫縛摩那婆若佛世尊爲他說時若人聽受終不生怖何以故如來世尊以自

無怖於諸佛法無有缺減爲他說時令彼聞者增長善業故摩那婆當聞法時汝等直著於是法中但當一心勿生餘念如來應供正徧覺爲斯事故出世間耳摩那婆諸佛世尊唯有是事所謂爲利一切世間淨世間眼斷除遮障諸非道故摩那婆諸佛世尊但一音說令彼衆生隨類各解斯是如來神力加持故得爾耳如來一音演諸法義能以一義得無量智若以一智卽能破除六十二種邪見根本令諸衆生悉皆遠離一切塵垢若有最惡極怖畏處衆生受身所作諸業如來於中說法教化拔濟衆生無有休息教

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

誠衆生汝若不造如是惡業終不生此如來世尊更無餘致唯教示彼斷除行業陰入界等皆是諸行受生亦然一切世間所有諸行及以受身我皆教示不令行此爲是衆事我常宣說無天無人乃至無有壽命資財世間事業一切皆無若有作者卽有受生云何作者所作諸行卽是受生若受後生當知是中無有衆生不受生者汝等當知造諸行者卽是受生復次摩那婆如大龍王普興大雲偏覆一切降注大雨潤洽大地咸令一切樹木叢林鬱茂滋長百穀果實皆得成就是諸衆生資此活命乃至諸畜亦同增長

摩那婆若諸孕牛食肥美草飲以清流常令豐飽然後得乳從乳出酪出生酥從生酥出熟酥從熟酥出醍醐如是摩那婆汝於一切緣生法中不應生怖亦不應言云何得說有諸衆生無諸衆生唯當善觀因緣諸行摩那婆如人睡時夢中所見或作不作彼皆寤時曾所經事又如種子無有定相論其形質不可說壞亦非不壞何以故若言定壞牙則不生若定不壞牙亦不出一切有爲因緣生法亦復如是妄念思惟分別故生是中實無能成就者亦無見者如是摩那婆如來不說定有衆生亦復不說定無衆生如

來唯說一切諸法從因緣生從因緣滅云何諸法因  
緣生滅所謂因彼故有此彼生已此生彼無故此無  
彼滅已此滅若一切法從緣生者云何定說有富伽  
羅以是因緣如來不說定有衆生諸天及人自外諸  
趣亦不說滅唯說不得放捨執著顛倒分別謂有衆  
生則墮無明極深闇處唯令棄捨示以正路勿復愛  
樂是富伽羅摩那婆彼真實法不可破壞諸佛如來  
乃至小草尚不欲壞況當令滅富伽羅也若滅壞者  
無有是處以是因緣諸佛世尊常如是說無有一法  
可成就者然復不無因緣生法亦不無執著顛倒

摩那婆無有一法離因緣者以有因緣是故說有富  
伽羅相及有事物顯示世間善法惡法勸令知也復  
次摩那婆是中物想卽是板想以板想故知諸物想  
何者是物何者是板所言物者以妄分別佳物想中  
造作未來一切諸行摩那婆以何義故復名物也以  
如是想作多種事故名爲物彼前後際不可知故猶  
如風輪若復有人乘風輪想彼等則爲住板想中應  
如是知摩那婆如彼風輪乃至無有一念時住諸衆  
生等乘彼業風亦復如是彼諸衆生造業行已還作  
諸行如是成就彼成就已未曾生彼一念覺心我等

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

經

方正刻印

司九

昔來所作非善以想分別空事輪迴流轉生死未曾  
暫住而我不覺不見其邊不知闊陻不識小大不見  
不覺常處如是業行風輪往來旋轉莫能自出猶如  
生盲未曾見色若他來問當云何答又如愚導不達  
前途設有人來問道相貌彼既不知復云何答假彼  
有言定無理趣摩那婆諸衆生等乘諸行輪旋轉不  
住不覺不知亦復如是而彼衆生乘是風輪來往之  
時乃至無有初中後際不得其邊全不覺知不見不  
念復次摩那婆彼時盲人作如是念今我宜在此風  
輪住我有思想此風輪中可得停住如是念已從始

至終念念增長無有斷絕彼盲後時或得暫住卽欲  
從是風輪中下而復不下更作是念我今若得見此  
道者便有下處我即得住既得住已我應自得暫時  
息止彼盲後時復作是念我於今日若見不見但少  
時住如是念已便得暫住住已思惟今我得住卽生  
樂想勞獎亦除然猶不見下時道路云何從此風輪  
而下我若見者卽知風輪往來之處摩那婆彼盲當  
作如是念時卽於其所遇一良醫善能治目故卽往其  
所問盲者言汝目如是能見色不盲人答言我眼若

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

此云何見色我若見者便知正路良醫語言且開汝  
眼吾試觀之如可治者當爲汝療盲人聞已卽大開  
眼示彼良醫爾時良醫具觀是人眼中病已卽知是  
疾根本所因應其所須爲設治法或鉗或鍼或刮或  
藥作如是等療眼方已告盲者言我今爲汝施善方  
治除汝目病令覩衆色若得見者汝歡慶不時彼盲  
人曰良醫言我此生盲恐非所救脫如醫教慶幸何  
言良醫復曰此事誠難我力能辦汝於我所但生信  
心是吾家業汝不須疑汝欲見驗當問衆人我治是  
患功效云何盲者復言大師是中欲作何事警告之

言汝無多憂我於是中無過造作但假少時吾當合  
藥事須詳審不可忽遽若忽迫者事或難成時彼良  
醫如是教已卽與是盲和合衆藥藥成就已置之眼  
中眼微清淨旣清淨已遂從醫所速疾而還時彼盲  
人藥治未幾眼中胎膜皆悉消除胎膜除故眼卽精  
明頓覩生來所不見事亦見衆盲乘彼風輪往來流  
轉不能自止方嗟歎曰嗚呼哀哉此等衆盲亦久居  
是風輪之內循環往來未嘗停息初無有人爲說斯  
事亦無有教療治盲者卽作是念如此衆盲與我何  
異我旣遭遇得大醫王除去生盲遂有今日我今云

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

何獨受斯福我當從此還請醫王令是衆盲盡蒙救  
療彼人爾時復作是念今我但且先告衆盲說斯大  
事先令體解然後導引往求大醫如是念已卽告彼  
盲汝等諸人宜少停住我今於汝欲有所宣時衆盲  
等答彼人言我不得住彼人復問汝今所住爲何處  
乎衆盲復言而我今日不能得住汝今豈能獨有住  
也彼人復謂衆盲人曰汝後見時自然應知誰有住  
處誰無住所衆盲復言汝今獨知豈能出我衆人意  
計彼人復言我於往昔亦曾如汝以無目故乘彼風  
輪往來流轉無有窮極世間之人多以此患乘無住

輪長夜勞苦而我幸會遭遇醫王大師哀憐除我目  
疾以是因緣我如是見我如是知我如是言汝等今  
日沒此風輪不見不知不覺不信汝等若有一人共  
相領解乃至須臾暫時停住我當爲汝求彼醫王醫  
王降意汝自知信奉行師言必蒙大利爾時諸盲衆  
中有智人等聞是語已卽作是念我等今應受是人  
教少時停住亦何所損若必如教吾慶特深假不如  
言我亦無患且我暫住所得亦多旣得交遊善人又  
亦自除疑惑以是因緣今我決住不復疑也時有智  
盲如是念已卽與衆盲共詳進止告彼衆言我久勞

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

獎忽辱善言自當暫停今不去也如是言已遂便答  
彼先盲智曰仁若知時隨所應作爲我等作時先智  
盲本雖生盲旣蒙得眼已成光明隨意而往無復障  
礙卽作是念今已許彼無量盲衆出如是言我當爲  
汝開眼光明今當先造大師足下厚謝先德因白是  
事先智始發彼大醫王已在前路智旣遙見深生歡  
喜踊躍無量卽作是念是大醫王先惠我眼道我光  
明除我患苦與我無量無邊快樂令我歡喜解我疲  
乏我今應當速至其所頂禮其足苦身供養妙言稱  
美起希有心尊重恭敬隨諸所須皆應奉上如是念

已卽往其所如其先念荷德謝恩盡虔供養復欲爲  
彼諸盲啓請更發布有清淨敬心復起懸慇憐愍深  
念白大醫言我先蒙恩見惠明眼復令我得諸方便  
智今日乃有無量無數生盲衆生乘不住輪受無窮  
苦惟願大醫爲除生盲施其眼藥令彼歡喜與我無  
異爾時醫王愍諸盲故卽與是人躬至其所到其所  
已卽告之曰汝等衆盲生便無眼今者實願見物以  
不時衆盲人白醫王言大師我等昔來未曾見物今  
日思覩何足復論醫王復問汝從昔來未見何事今  
欲見者復是何等彼復白言大師我從昔來於所行

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

處唯謂是道然實不見此路短長及與近遠乃至不見初中後相醫王復語彼衆盲曰然此路也非是正路汝等昔來所行非道衆盲復言然我於中已生路想醫王復言汝等不應生是想也即便指彼盲智者曰汝知是人昔亦同汝後乃知非久已捨棄復告衆盲汝等今日若信此人昔似汝者我卽治汝我便次第造作治事於是衆盲白醫王言唯然大師師自知時敢不從命時彼醫王還合如是先治眼藥療諸盲人咸皆同得如是淨眼彼眼開故皆大唱言嗚呼我等今得大樂而我昔來處大闇輪非路狂走摩那婆

汝等當知是中治眼大醫王者即是如來應供正偏覺也如彼初盲醫先爲治卽蒙淨眼者是彼諸善男子說法師也自餘衆盲得淨眼者即是受持此經法門諸衆生等摩那婆以是因緣如來應供正偏覺普爲汝等譬喻開示不如示義處摩那婆汝於是中應學如來應供正偏覺若人欲學如來應供正偏覺者當如是學摩那婆以是因緣如來應供正偏覺具爲汝等引斯譬喻解釋義耳摩那婆汝等若學如來世尊應當學是諸法相門復應先作如是思惟我今云何作諸方便爲彼黑闇生盲衆生作大光明開其眼目

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

摩那婆是爲解釋第一大慈大悲行事汝若見彼幽  
盲衆生復應須作若斯治法如是治已彼自見洪不  
從他行不行何處謂風輪也摩那婆是爲凡夫諸衆  
生等未得正法無住處者

### 大法炬陀羅尼經卷第十八

音釋

芟剉芟所咸切刈也羈居宜切  
羈羈縻也字疾置切  
牛也療切力嚼

鉗

膜

幕各切

膜

陰膜也

膜

陰膜也

金壇于門曹氏法名三滿道人奉爲亡父曹三  
陽亡母呂氏捐資刻此  
大法炬陀羅尼經第十八卷以資冥福計字六  
千八百三十四個該銀二兩入錢五分一厘  
天啓乙丑歲冬十一月金沙顧龍山識

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4



大法炬陀羅尼經卷第十九

隋北天竺三藏法師闍那崛多等譯

信解品第四十七

爾時波諸菩薩白佛言世尊若諸菩薩摩訶薩將欲爲他解說法時應先請佛若他來問無邊法門我當云何爲衆生說又衆生等若問不問復云何說復當爲他多少說也我今請問惟願如來爲我解釋世尊若復有人昇師子座欲說法時是中應當以何方便決定得是如來業藏無量辯才旣未會入此三言教亦無有人爲其解說亦不讀誦修習受持云何而得

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

自然現前具足辯說爾時放光佛告諸菩薩言摩那婆世間無有如是方便唯還於此三教業藏陀羅尼門修多羅中讀誦受持乃可得耳或時有人爲佛世尊加其威力及法力得者摩那婆若有如是陀羅尼法門者還由說此修多羅故而得成就非遠離也若從他聞如聞速解而不忘失所有語言及有餘所說一經於耳乃至盡壽終不忘失若人由來未曾聞者彼初聞說亦不能知應爲具釋摩那婆若人不持此三言教如來業藏如說受持而能具足一切辯者無有是處摩那婆若諸衆生具足受持是法門者自然

當得無量辯才汝今應當知是德藏摩那婆若復有人親聞佛說若加持力若彼自有信根慧力躬造法師求問法者摩那婆當知此等皆是厚集三乘善根若有隨趣一一乘者彼時法師應爲是等施設佛法何況於彼具三乘者摩那婆或時復有百千萬億異類衆生一時雲集是法師所彼各問種種法門種種義句種種文字法師爾時於彼無量異衆生所無疑惑心亦無怖畏以無礙辯隨問酬答解釋法門無有障礙復次摩那婆譬如有人從生作賊有大膽勇及賊智方便雖復處在百千人中都無危懼何以故

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

以久成就賊智慧故摩那婆彼說法師亦復如是當說法時雖復處於無量百千億那由他大眾之中解釋深義隨問能答無有滯礙皆令歡喜乃至不起一念怖心何以故以先成就無礙辯故復次摩那婆譬如阿那婆達多龍王能雨衆流滿四大海如是摩那婆彼說法師成就三藏充足一切亦復如是摩那婆又如阿耨達多龍王有大方便能出河水隨順一切衆生意願如是摩那婆彼說法師以先成就三言教藏能爲一切方便教示令諸衆生斷除疑心皆悉通達滿彼願海亦復如是爾時諸菩薩復白佛言世尊

此三言教方便業藏爲當唯此陀羅尼門修多羅中具足有耶爲更於餘修多羅諸法門中亦得有乎我等今者諮詢世尊爲欲了知此決定義世尊我等咸共作是思惟如來世尊有大方便今日將無更說他義而令我等疑惑不解何以故如來大智境界深遠是故我等預生驚怖世尊譬如有人欲以兩臂浮度大海登於彼岸當知是人必喪軀命何以故世無有人但以手力能過大海故世尊我等亦爾如彼愚人不能隨順仰信如來欲以自心測量佛智爾時放光如來告諸菩薩言如是如是摩那婆但能勤求豈有

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

不獲汝向所問誠合時宜汝於是中勿念疲怠莫生恐怖當以無礙智慧辯才分明義理辯正文字善修三業出離世間淨持禁戒一心思惟積集直智勇猛精進不捨重擔莫退本心求一切智於諸法門斷除疑網具足如是善巧方便數諮如來亦自觀察當以四種攝受正法於諸佛所聽受未聞若佛滅後護持正法於末世中多惡衆生誹謗毀辱是經典者汝等應當如法苦治乃至命終常須求請不得放捨懈怠懶惰摩那婆汝等於中學是大事若如來所或弟子所常當諮詢如是正法既自學已復成就他因是展

轉教化無量無邊衆生入此法門復次摩那婆若諸菩薩摩訶薩於求法時世間無有一衆生所而不至者何以故欲令法界一切衆生一切皆入究竟涅槃是故苦薩於求法時常作是願我從今日凡所生處但令我得聞所未聞乃至一偈一句一言我於是中不惜身命頭目支節一切身分皆用奉上何況身外所有財物輒欲寶愛而不捨者復次摩那婆若諸苦薩摩訶薩爲求法故但有法處卽皆造求或時往詣旃陀羅家或時至彼羅刹住處乃至鳥獸所居之處聞已皆往請問求法或時彼等要菩薩言能住我家

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

足滿千歲然後我當爲汝說法菩薩聞已卽住其所  
滿足千年隨彼所須供承給使要聞法已重報而還  
復次摩那婆若諸菩薩摩訶薩爲求法故如是精進  
尚能奉給諸旃陀羅乃至羅刹惡鬼畜生滿足千歲  
而況不能於住正法善根衆生及以智慧大法師所  
聽聞正法斷惑決疑復次摩那婆如是菩薩摩訶薩  
旣聞法已心大歡喜念欲往報說法者恩當知爾時  
非以貨財可用報答說法者恩何以故摩那婆以恩  
重故設於諸佛如來正偏覺所亦無方便能報之者  
所以者何爲其重故云何爲重所謂法施夫法施者

於諸施中最爲第一最勝最妙最爲無上爲無上上  
無數無量無有邊際不可以彼財施爲比何以故無  
取著故摩那婆夫財施者卽是生死有漏有爲執著  
取相煩惱施也其法施者一向出離無漏無爲無礙  
無相智慧施也又法施者無人能毀亦無能讚若有  
訶毀此法施者當知是人卽謗三寶摩那婆汝於是  
中應深思念懸懃詣請聞已修學旣自學已爲人普  
說以具宣故法得久住亦令世間善法增長復次摩  
那婆譬如賣家以少貨財販賣求利是人資產歲月  
漸增庫藏充實拯濟多人若不賣販財則不增後值

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

饑荒喪失家累摩那婆彼說法師亦復如是應常宣  
說不得休懈何以故若常宣說法住增長利益人天  
成熟善根滅除衆惡若不宣弘法則衰殄熾盛惡道  
損減人天故復次摩那婆譬如賚導多將徒侶莊嚴  
器仗持諸貨財經涉險難適於中路更遇餘賚時彼  
導師分明約束強弱相保首尾相衛分部如法於險  
難中雖逢寇賊不損貨財安隱得過摩那婆彼說法  
師亦復如是雖處無量百千大衆具宣如是正法門  
時彼大衆中多有如來世尊弟子聰明利智善解其  
義讀誦受持誦持力故無有障礙假說外道世智辯  
才亦復如是

聰百千邪論種種呪術種種辭辯種種問難無所申  
展自然喪滅云何而能作諸妨礙摩那婆汝應當知  
彼百千數大衆之中雖有邪見世智辯人然彼一切  
諸比丘等勿受其言莫行其事不得供養不應親近  
何以故以彼無有增長成就利益諸事唯有損減破  
壞善根

### 離惡友品第四十八

復次摩那婆如有人家施設種種上妙美膳人間所  
無等輪王食如是妙食味中最上然雜微毒如芥子  
許摩那婆於意云何有人饑虛思求麤食忽逢毒膳

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

爲取食不諸菩薩言不也世尊佛言摩那婆如是如  
是如汝所說若人讚說世智辯聰所爲事業乃至讀  
誦一偈一句斯人不可在僧衆中何以故以彼即非  
諸佛弟子故復次摩那婆譬如有人得惡瘡病是人  
不得入淨衆中謂刹利衆婆羅門衆長者居士一切  
衆中乃至不應暫時立住況聽久坐清淨衆處摩那  
婆世辯邪人亦復如是尚不應令清淨衆前須臾立  
住況得久坐同其事業復次摩那婆譬如野干鄙賤  
腥臊身形疥瘦時食糞穢豈容得在師子衆中摩那  
婆世辯邪人亦復如是是人惡極無有善根終無得

在諸佛刹中假令先有亦應驅擯何以故不令衆生  
學習惡見長夜增長無量惡業墮諸惡趣受大苦故  
復次摩那婆寧與怨家旃陀羅等房膚之人共爲親  
友終不與是邪辯惡見暫時同住摩那婆寧以利刀  
劈破舌根不與惡見論說佛法摩那婆寧忍饑苦千  
歲不食莫因惡見受他信施摩那婆寧豎鐵鎗以爲  
鋪榻臥經千歲不與邪辯惡見謗毀之人暫同坐臥  
摩那婆寧以灰火覆地足蹈千年不與邪辯惡見之  
人受經行處何以故摩那婆千歲蹈火苦止少時若  
學惡見永墜惡道何以故摩那婆凡夫愚癡心力渺

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

少親近邪黨積習其惡同惡相扶破毀佛法既自作已復令無量無邊衆生學習邪見復次摩那婆於意云何若人毀佛及謗法僧彼人長夜得安樂不諸菩薩言不也世尊佛言摩那婆以是因緣如來應供正徧覺殷勤顯揚如是法義摩那婆如來世尊有大慈悲於一衆生未曾捨離永斷惡心無有嫉妒遠離妄語亦無錯言摩那婆如來應供正徧覺是真語者是實語者凡是衆生欲受何法皆卽爲其方便演說令彼無量無邊衆生隨類得解得智解故速入涅槃摩那婆汝等若見邪辯宣說慎莫聽聞亦勿禮拜不須

隨喜應如是知摩那婆汝等當知設對百千諸佛經典不讀不誦不受不持數百千歲默然而住不與邪辯共住談論讀誦所作或暫聽聞摩那婆汝等從今於一切處慎莫與彼非法衆生共爲朋友勿與同居亦莫親近何以故若有親近非法惡人從其事業是人長夜不得安隱所以者何是人知已還以惡法轉教他人去來現在常行邪法以行邪故輪廻衆苦摩那婆汝等當知未曾見聞行世間法能知出世勝上人法豈況行邪而得證者復次摩那婆彼惡衆生無能爲物作淨福田獲果報者如來世尊亦不開許彼

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

惡邪人受他供養復不聽彼諸餘衆生奉給惡人衣食衆具何以故以彼癡人不如法行終不住是如法中故不求解脫終不住是解脫中故彼等愚盲不行我法住邪法中應如是知摩那婆諸佛世尊常作是說若諸衆生未入正法亦未入於聲聞法中若供養者果報減少

### 辯田讚施品第四十九

爾時彼佛告諸菩薩言摩那婆若人供養或須陀洹乃至養飼畜生餓狗隨其品類悉有功德是故應當一切處施隨施主心得報差別摩那婆施持戒人得果報異施破戒人得報亦異施者受者其事皆異乃至餓狗得報亦異摩那婆是故一切皆應勤求住清淨戒忍辱精進禪定智慧乃至所有力無畏等一切功德咸應求之復次摩那婆以是因緣如來世尊爲諸菩薩摩訶薩等受衣食故開許四事何等爲四所謂若諸菩薩摩訶薩不自爲已受畜財物乃至飲食及諸湯藥凡は所須如法乞索若得供養如來聽受是爲菩薩摩訶薩開許初事若諸菩薩摩訶薩常行教化一切衆生遠離惡法成熟善根若有所須如法乞求得供養時如來聽受是爲菩薩摩訶薩開第二

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

事若諸菩薩摩訶薩於一切時常爲供養諸佛如來及如來塔若有所須如法求乞得供養時如來聽受是爲菩薩摩訶薩開第三事若諸菩薩摩訶薩常樂讀誦讚說經典開示衆生若有所須如法求乞得他供養如來聽受是爲菩薩摩訶薩開第四事摩那婆若有菩薩摩訶薩能住如是四種法中當知彼行長夜增長無有損減亦爲無量無邊衆生說菩提法生長善根而彼菩薩如是行已堪受誰供所謂堪受長者居士若婆羅門若諸國王乃至轉輪聖王勝供養故受何等供所謂房舍臥具衣服飲食療病湯藥乃至種種財寶衆具充給所須如是菩薩住是威儀受供養時功德無減復次摩那婆若諸菩薩摩訶薩等隨順成就四種行已以此善根獲四果報何等爲四一者若彼菩薩念欲居於轉輪王位行十善法教化衆生隨意卽作轉輪聖王無量千世二者若彼菩薩意欲念作忉利天王說法教化三十三天隨意卽得無量千世三者若彼菩薩意欲捨家出家修道證沙門果隨意卽得沙門果證四者若彼菩薩欲得當證阿耨多羅三藐三菩提藉此善根斷除顛倒次第住於諸善根中必當得成阿耨多羅三藐三菩提摩那

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

婆此四種法爲諸菩薩摩訶薩最上修行能住此法  
堪受供養及能施者是二皆名著大鎧甲應如是知  
何以故摩那婆是中不可以懈怠之人少精進者失  
正念者無威儀者樂睡眠者長夜不捨懈怠懶惰遠  
離勇猛恥不問他者受此供養如是之人乃至不堪  
受他六年棄置糞中一腐木片何以故摩那婆若諸  
衆生不住正法於三界中不消一物以是因緣如來  
世尊不爲如是愚癡邪見諸衆生等不住威儀不依  
佛戒宣揚弘說如是法事復次摩那婆一切菩薩初  
求法行有四種事退欲法心伺等爲四摩那婆若有

菩薩爲衆經紀或時往詣聚落城邑若至王都入王  
宮殿爲物去來管理衆務然彼衆中無一比丘淨持  
禁戒亦無一人勇猛精勤多是愚癡不知經典時彼  
菩薩見諸徒衆多行非法便卽退捨求法意行我今  
云何與是等人同止共居學習是法摩那婆汝等當  
觀惡世比丘假得僧名令他營護知事人等無有尊  
敬欽仰之心以是因緣令彼菩薩見如是等無行衆  
生速捨善欲摩那婆是爲初行菩薩摩訶薩退求法  
心第一事也復次摩那婆若有菩薩欲學菩薩諸功  
德行故往他所聽受正法至他所已先卽請問諸菩

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

經

大法句經卷第十九

一

古九

薩行精進勇猛依所聞行觀彼衆中無一比丘能說  
如是所諮問法而彼菩薩於法有疑無人能決卽起  
誹謗退捨本心摩那婆是爲初行菩薩摩訶薩退求  
法心第二事也復次摩那婆若諸菩薩念捨世間有  
爲之事所謂若衣若食乃至湯藥種種衆具欲學如  
是菩薩所行如是菩薩至僧衆中見諸比丘坐高大  
牀食譽飲食悉多受畜不淨財物常樂睡眠喜論世  
事無厭離想不善思惟順生死流增長魔業時彼菩  
薩見是事已退捨本心摩那婆是爲初行菩薩摩訶  
薩退求法心第三事也復次摩那婆若諸菩薩欲行

最上樂欲阿蘭若法欲行空三昧行彼自未有如是  
解慧云何當行阿蘭若法復云何念空三昧門而彼  
菩薩作是思惟我於今日應速往詣若出家人若在  
家人所諮詢請問如是行法或特有人能解此事爲  
我說者則得依行如是思已即便往詣出家在家一  
切人所諮詢所疑無能決者更復思念我於今者應  
當往詣比丘衆中請問此義如是思已至大衆中見  
諸比丘請問此義然彼大衆無有一人能教示者亦  
無一人能隨喜者菩薩見已壞其本心然彼無行諸  
比丘等方爲菩薩說如是事汝等從今常應受是高

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

好牀敷種種衣服種種美食言佛不許者爲待他請  
故摩那婆而彼諸人雖教菩薩如是等事然復不知  
受法云何受他衣食得不損已受此物已得清淨不  
彼皆不知如斯之事摩那婆彼諸癡人具足非法破  
沙門行解怠懶惰不淨臭處沙門枯草遠離戒服常  
懷貪欲瞋恚疑寧知如是空無相願既無慧解云  
何能行既無解行云何能說假雖有說云何斷疑時  
彼菩薩見是事已起毀謗心即便退轉善欲法心摩  
那婆是爲菩薩摩訶薩追求法心第四事也復次摩  
那婆今此衆中得無如是諸惡人不諸菩薩言不也

世尊佛告諸菩薩言摩那婆如是衆生計不合受七  
日臭穢投棄惡食何況更受淨妙食也是人本無出  
家受具比丘體相何緣得彼比丘僧名復次摩那婆  
此天妙食本不爲彼行非法人破淨戒人墮諸見人  
不如法等而施設也摩那婆汝當正念汝今住此須  
彌山頂食是忉利天王妙食此食最勝上妙第一假  
使人中轉輪聖王尚不應得況復如是假被袈裟臭  
穢不淨行非法者而堪受此天須陀食摩那婆以是  
因緣如來應供正徧覺先語汝等如是妙食食斯食  
已當令施主獲大果報摩那婆我已處處開顯宣說

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

破戒之人尚不得受正信檀越如手許物況能消此天妙食也所以者何食此食者無有衆惡所謂無有大小便利宿食不消噉噎上氣乃至無有悶亂衆病摩那婆假令受彼七日棄捨臭爛諸食猶須清淨善行之人能令施主得大果報況受如是天須陀食如此食者世間所無是故不可以彼人中麤澁觸等相比類也摩那婆若彼破戒不正念人食此食者斯人必獲大不善果阿難時諸菩薩摩訶薩衆聞是事已卽白放光如來應供正徧見言善哉世尊今此衆中諸比丘僧無有塵垢沙礫瓦石批哩乾枯枝葉摧折

乃至缺減煩惱衆病不假諸藥此比丘衆唯有牢固清淨持戒善入禪定離諸怖畏世尊今此衆中有須陀洹有斯陀含阿那含阿羅漢有辟支佛有發摩訶衍心有諸菩薩摩訶薩亦有人中師子具足神通得度彼岸此處復有常行空三昧者無相三昧者無願三昧者復有常行最勝上上檀波羅蜜最勝尸波羅蜜最勝毘提波羅蜜最勝毗梨耶波羅蜜最勝禪波羅蜜最勝般若波羅蜜乃至常行力無畏等世尊如是清淨諸比丘衆受天帝釋如是妙食我知此衆於一切處受諸供養無所不消何以故一切世間

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

若食異食卽生病苦此等食之尚能無病況是微妙  
 清淨食中乃至無有大小便利食此食者云何當有  
 更生病苦若生病者無有是處阿難爾時放光如來  
 應供正徧覺告諸菩薩言善哉善哉摩那婆汝等今  
 日乃能令是帝釋天王心生歡喜摩那婆今此衆中  
 應有衆生生是疑心以佛威力令此大衆昇須彌頂  
 以是因緣今者如來應供正徧覺爲此忉利諸天大  
 衆決除疑網故作如是演說正法以諸譬喻皆令覺  
 知阿難放光如來如是說時彼天帝釋卽白佛言世  
 尊若人布施諸佛弟子若復漏盡諸阿羅漢若諸辟  
 支佛若諸菩薩摩訶薩衆若諸佛如來應供正徧覺

如是布施能無差別耶世尊今者說一法相顯示一  
 切一解脫義是中布施云何有異如是之義惟願具  
 解念此衆生得無疑念佛言憍尸迦汝今於此諸佛  
 世尊說法之處莫生疑惑惱尸迦然我爲汝種種譬  
 論顯示此義令諸智人決定得解憍尸迦若人欲行  
 布施之時應作是念今我修行如是施故當得無量  
 功德智聚亦令受者當得無量功德智聚憍尸迦汝  
 今當知如來曾說一布施已廻向無量如是願者乃  
 至布施畜生餓狗尚皆獲得無量果報何況布施是

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

須陀洹是斯陀含是阿那含是阿羅漢是辟支佛是諸菩薩摩訶薩等況復如來應供正徧覺憍尸迦以是因緣莫生疑惑雖以少物布施如來獲無量福以廻向無量故如是布施諸佛弟子亦應還得無量福聚汝莫爲疑憍尸迦諸佛世尊弟子衆等譬如大海難可測量汝等今者勿復如是問於如來諸布施者得無量報若諸聲聞若諸辟支佛若諸菩薩摩訶薩若諸佛世尊也憍尸迦我於是中令汝斷疑諦聽諦受善思念之吾爲汝說時天帝釋卽白佛言善哉世尊願爲解釋時天帝釋一心聽受彼時所有忉利諸

天在斯會者聞佛說已皆從座起合十指掌在彼佛前恭敬而住爾時放光如來應供正徧覺告天帝釋言憍尸迦汝今觀此三十三天往昔造業受報處所及彼所作善根因緣皆悉知不憍尸迦今此三十三天子中頗有自知所作善不天帝釋白佛言世尊我今悉知此諸天等過去所造善業因緣諸天子不能自知往昔所作佛言憍尸迦汝今應觀此天衆中何者天子善根最少時天帝釋蒙佛教已一心觀察諸天衆中見一天子善根最少而彼天子過去之世生在人中時佛如來有一弟子是行須陀洹者次第乞

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

食遂入其家適遇彼人端坐而食彼人見已卽從座起指座授與行須陀洹人洗手取食施以一搏時乞比丘卽從彼人受食食已住經一日然是天子往昔唯有如是善根從座恭起奉施一搏以此善根壽終之後生此天中受今果報爾時天帝釋見彼天子如是善根已卽告彼天子言善男子汝今可來在世尊前自陳往昔所修善業時彼天子聞帝釋命卽從衆起便往帝釋天王足下阿難時天帝釋復告彼天子言善男子汝於今者在如來前自說往昔所作業緣令餘天子心生歡喜於如來所起尊重意生愛敬心

阿難時彼天子承帝釋教卽於佛前爲諸天子自說往昔所造善根而諸天等聞彼天子自說往昔所作善根各各相語生大歡喜阿難爾時放光如來應供正徧覺告天帝釋言憍尸迦於意云何今此天子所有宮殿諸莊嚴具及以食飲諸餘衣服凡所受用於諸分中乃至取一革屣微末之物假設大集此闍浮提一切衆生共聚一處能得稱量最下革屣價數多少知貴賤不不也世尊佛言憍尸迦且置闍浮提所有衆生假使復以四天下衆生皆有智慧具大巧便亦不能知最下革屣價直多少何況能知自餘諸物

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

何以故若使闍浮檀金如芥子許有價量者彼闍浮  
提一切人衆及諸財寶二足四足乃至多足所有價  
直不及少分我且方便說斯價直實無價也憍尸迦  
汝今但觀一食布施如是衆生尚得如是無量果報  
況多施也憍尸迦汝當知彼如是布施還得如是無  
量果報帝釋復言我知世尊此諸天子所有一切果  
報莊嚴假使於此三千世界滿中諸人亦不能知況  
四天下爾時放光如來應供正徧覺告天帝釋言憍  
尸迦於意云何如此三十三天所有衆具取夜摩天  
中最下天子所有一切果報衆具此彼昇降事復云

何帝釋復言世尊若此三千大千世界一切人中身  
莊嚴具及四天王身諸莊嚴具乃至今此三十三天  
身莊嚴具悉聚如是身莊嚴具與須夜摩最下天子  
而彼天子於前衆具本無欲心豈云取受又復世尊  
譬如轉輪聖王周行四海忽然有人奉上麤飯王本  
不受何論歟世尊彼須夜摩最下天子亦復如是  
望此切利乃至人中一切果報諸莊嚴具本無欲心  
何況貪取而復受用何以故由彼自有勝妙五欲果  
報精微此非情願故佛復告天帝釋言憍尸迦於意  
云何如兜率天所居宮殿莊嚴衆具以夜摩夫三十

三天四天王天自餘一切諸天及人所居宮殿受用  
衆具復得同彼兜率天不天帝釋言不也世尊佛言  
橋戶迦如是次第上上轉勝梵居諸天過六欲天乃  
至摩醯首羅勝餘衆天橋戶迦以是因緣布施果報  
差別無量我今爲汝畧解說已

大法炬陀羅尼經卷第十九

音釋

臊

蘇遭切

豕

普擊切

搘

託盍切

搘

息淺切

搘

少也

搘

憲

史

餕

於結切

塞

盍切

批

批補

履切

不

成

批

栗也

批

蒲

拜切

惱

膏臭也

惱

搘裂也

搘

搘也

搘

搘也

搘

搘也

搘

搘也

搘

搘也

搘

惱

惱

惱

惱

惱

惱

惱

惱

惱

惱

惱

惱

惱

惱

惱

金壇子門曹氏法名三滿道人奉爲亡父曹三  
嘗亡母呂氏捐資剏此  
大法炬陀羅尼經第十九卷以資冥福計字七  
千一百三十九個該銀三兩二錢三分四厘  
天啓乙丑歲冬十一月金沙顧龍山識

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

大法炬陀羅尼經卷第二十

隋北天竺三藏法師闍那崛多等譯

付菩薩品第五十

阿難爾時放光如來復告天帝釋言僧行迦其有異  
施得無量報如菩薩乘無量無邊此乃諸佛如來莊  
嚴之事所謂於如來前聽聞正法得如是等無量善  
根說此經時一切衆生所有疑心悉皆永斷僧行迦  
以是因緣諸佛世尊出現於世斯諸菩薩摩訶薩等  
應當學習諸佛所行從佛聞已如說修行僧行迦汝  
於如是可證知處勿復生疑當勤精進一心勇猛無

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

有休懈憍尸迦汝等不可令一衆生於虛空中而生  
嫉妬汝等亦應自捨嫉妬此虛空者名爲共法非一  
衆生及以一法而能獨有一切諸法猶如虛空衆物  
莊嚴應如是持有智慧人於是法中自當永斷一切  
疑惑憍尸迦終無有人知虛空已復迷虛空憍尸迦  
如是法門最爲第一最上最勝最妙最深若復有人  
於是法門能相續緣乃至一念心生隨喜汝於是中  
應深慶幸作如是念當知此是不退菩薩已曾供養  
無量諸佛故能聞說如是法門不驚不怖不退不沒  
法施清淨猶如虛空入虛空數或說如是虛空譬喻

方便法門總說別說聞已不生恐怖疲倦作隨順行  
則見如如復次憍尸迦如菩薩摩訶薩等一切世間  
天人阿脩羅乃至一切諸龍神鬼皆應愛敬皆應尊  
重皆應供養皆應守護何以故憍尸迦彼諸菩薩摩  
訶薩等在生死中猶有無量餘殘惡法然能具行如  
是深忍行是忍時假使無量百千萬億那由他數天  
魔大衆以種種形以種種說或驚或怖或誑或誘令  
是菩薩退沒本心然是菩薩本心逾固身相坦然一  
毛不動憍尸迦以是因緣吾爲汝等譬喻方便種種  
解說應當一心善思念之當如是知卽如是學汝當

思惟令合正義爲滿一切諸佛法故。憍尸迦如是菩薩摩訶薩等行此法時假使其身自須彌頂墜於大地還從大地投擲須彌是菩薩心終無念著亦不解怠復無一念捨衆生心憍尸迦如是菩薩心念法時假使上從梵天宮殿投擲其身沉於大海菩薩於中亦無暫時起住著念生懈怠心何以故遠離我想故憍尸迦菩薩如是心住法時假使大梵天王若天帝釋欲驗其心各執其手一時投擲大叫地獄然是菩薩方問於彼苦衆生言汝等是中唯有若斯惡果報耶如是問已端坐正觀起大悲心願卽往彼救苦衆

生所行若是誰能於中令生恐怖憍尸迦於意云何若人於是甚深法中具能成就如是忍者行聲聞人行辟支佛人頗能發生如是忍不天帝釋言不也世尊佛言憍尸迦以是因緣如來應供正徧覺說諸菩薩摩訶薩等能得具足如是忍門出過一切聲聞辟支佛上乃至一切初發大乘菩薩摩訶薩中此最爲勝憍尸迦汝應當知是爲智業及心業也復次憍尸迦如最後身菩薩摩訶薩菩提樹下坐道場時自然能辯如是方便解釋問難證菩提已普爲世間住大慈心以佛眼觀見諸大惡邪毒衆生墮於黑闇大地

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

獄中輪迴衆苦以慳嫉故遠離施心以恚害故破諸  
戒行以愚癡故深入闇冥被惡知識之所牽引爲諸  
不善之所纏縛衆緣具故陷墮三塗橋戶迦於意云  
何彼菩薩摩訶薩在道場時猶於如是具足不善惡  
衆生中有怖畏不天帝釋言不也世尊後身菩薩昔  
在如是具足煩惱生死中時尚無恐怖何況今坐菩  
提樹下將成正覺而方恐怖橋戶迦菩薩爾時爲一  
切衆生勇猛精進如自己身爲他衆生作救護已自  
然當得成就大樂復次橋戶迦汝應觀此三十三天  
但爲一人施少樂故今得如是勝莊嚴處汝當觀是

一一果報應生歡喜適悅身心橋戶迦汝今現住如  
是莊嚴亦應思惟聲聞勝處辟支勝處菩薩勝處如  
來勝處汝莫餘觀但如教住我今爲此億數菩薩說  
是三種方便業藏汝等宜應善自思惟復應深念我  
今云何得巧便智斷衆生疑復次橋戶迦今此億數  
諸菩薩衆所有信願我今當說橋戶迦汝今觀此諸  
大菩薩摩訶薩衆一心欲爲一切衆生求斷疑處於  
意云何今此億數諸菩薩等終能弘護是所說不時  
天帝釋復白放光如來應供正徧覺言世尊如來自  
知此諸菩薩摩訶薩等勇猛精進威神德力我等於

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

中無有智慧惟佛世尊自當知耳時放光佛告天帝  
釋言橋尸迦若如是者汝自問此億數菩薩如是等  
事志意堪不時天帝釋蒙聖教已卽問諸菩薩言大  
士仁等應聞如來教也諸菩薩衆答天帝釋言橋尸  
迦汝今應知此爲第七方便教說我等先已諮問如  
來如來于時亦爲我說如是智處雖爲我說尚未窮  
盡惟願如來垂慈惠及爲我說此三教業藏利益安  
樂諸衆生故橋尸迦非我自爲求如是法我今乃爲  
一切菩薩所任弘多何以故橋尸迦有諸菩薩摩訶  
薩等但爲一人精進勇猛發大誓願常處生死要當  
救拔是一衆生先成大覺何況方爲無量無邊諸衆  
生等經於無量阿僧祇劫煩惱所累生死業報惡法  
住處皆欲斷除橋尸迦彼未來世諸菩薩等成就忍  
者尚不可以少事少緣隨宜能成何況志求諸佛如  
來大智慧聚隨宜得也橋尸迦若諸衆生已於無量  
阿僧祇劫常爲生死惡法所累妄心攀緣邪念分別  
造作諸事可斷除者我要當破一切無知闇冥之處  
橋尸迦我等旣得住一處已如是無知所生之處先  
未寬大未斷除者又未說處未思惟處次第難知我  
復別爲諸衆生等若信不信皆悉須知何等衆生今

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

信如來知彼信已不作損滅而爲說法攝受衆生自成佛法故

付天帝釋品第五十一

阿難時天帝釋白放光如來應供正徧覺言世尊諸佛如來凡所教誨要觀其信耶佛告天帝釋言憍尸迦汝謂是中何所教誨如來當復云何教他憍尸迦汝於是處應當善知言教誨者但有文字名爲教誨無色可見因板方便則能知彼人言教處憍尸迦是迦字門爲二十一文句之主又迦字者爲二十一句之初也汝等於中應分別知此義及語當作是念此

二十一句云何當攝汝等於後爲他說時內自堪忍莫生亂心應常正持憍尸迦我已爲汝方便解釋彼迦字門與天言教相應不斷汝當解說不應默然云何迦字門云何天言教阿難時天帝釋卽白放光如來應供正徧覺言世尊今此迦字法門與天言教相應不斷當須解知此迦字門爲二十一句之主於二十一句和合相應無有斷絕如那字門言教境界最在於後彼十四句一處相續世尊又迦字者譬如四大天王所居宮殿忉利天王所居宮殿夜摩諸天所居宮殿彼所居中帝釋爲主如是迦字門爲前二十

56789801234567899012345678910012345

一句後十四句前後參合三十四句之所圍遶世尊  
是爲譬喻方便解說知此境界如是方便解釋之已  
則得名入天言數中世尊我今自爲諸餘衆生作是  
開示非如來也世尊是處皆是諸佛如來智慧境界  
如來自知世尊所有迦字文句宮殿住處我等當以  
觀板方便得知此事世尊譬如二十三天住於須彌  
山頂是中忉利天王以億百千數天女圍遶如是世  
尊其阿字門盡於迦字乃至盡於那字是中無量聲  
音語言皆可論說世尊於迦字門眷屬圍遶云何可  
說世尊譬如阿耨達池流出諸河水注不絕滿彼四

海世尊如是池海有人常以百千億數毛頭取水而  
望乾竭大海及池是事可不何以故世尊假使更出  
無量天河而彼池海尚無損減況以毛滴能竭盡乎  
世尊不可過引一切譬喻諸喻雖多終無可比若可  
比者無有是處如是世尊我等諸天於世尊前雖復  
多作譬喻解說如毛取水當何所得世尊我今旣蒙  
率爾解釋世尊如來問時諸餘世人或爲欺誑及餘  
衆生或起懈慢世尊我終不敢今者唯以少智所知  
隨分說耳世尊如來應供正徧覺諸有口業音聲語

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

言宣明辯釋諸法義理一切世間若梵若魔若天若人若諸沙門若婆羅門無能測量無能知者世尊如來所有善巧方便譬喻解釋一切衆生不能得知義趣少分世尊我未聞見世間有人能於如來方便義門譬喻解釋得解知者世尊我等今者於如來前親聞此義受持憶念不敢忘失或有衆生於如來所聞已能知佛菩提事世尊已曾數說此義是中衆生或時聞已不復憶念亦不解知徒聚一處欲問世尊豈能得知此三教藏如來數爲具足演說彼諸比丘不能依行有優婆塞若諸天人在阿蘭若處爲諸衆生種種方便譬喻解說令知此義世尊此大方便譬喻解釋所謂三教方便業藏世尊於是藏中我等無有一念修行況復能知爲他解釋惟願世尊獨爲如是渴仰衆生演說斯義令斷疑心

法師弘護品第五十二

•

•

阿難爾時放光如來應供正徧覺告天帝釋言憍尸迦我說如是方便譬喻汝能知耶憍尸迦是故應先知此語言爲是十四菩薩摩訶薩何以故是等先生此諸天中以何義故發如是願顯示此等無懈怠故以是因緣捨身卽生阿修羅宮爲斯義故於少分中

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

尚不能知況復於此三教業藏能聽受者復次橋戶迦今此無量無邊大衆在是山頂忉利天宮汝爲久居頗能得知住此衆生其數幾何復能得知住是衆生依人間數年歲幾何復知是天衣服飲食諸事幾何天帝釋言世尊我已盡知佛言橋戶迦若人來問今此大衆食調衆具須功幾何彼問如是汝云何答天帝釋言世尊我無所報何以故世尊今我此處十三天凡是所須不食衆具隨念現前非造作故佛言橋戶迦一切諸法亦復如是皆住心中隨所念時卽得成就橋戶迦猶如卵生諸衆生等但以心念卽

便受生一切諸法亦復如是皆由心念法卽現前橋戶迦又如一切濕生之類所謂魚鼈鼈蚯蚓彌宜羅此等皆是卵生所攝此等或唯行一由旬或二由旬或至三四或復過七達彼地已安處已卵不令疲乏故能成熟橋戶迦此三教藏亦復如是隨憶念時彼業現前次第不亂相續不斷與彼句義和合相應復應當知我以何故爲汝等說阿字門者以板喻說故迦字門者以文字說故那字門者以平等文字章句說故如是說時應共持此更無有法而可缺減然須知此四十二句在於板上如是知已彼諸法師處於

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

大衆在法座上將欲說時法師於此三法門中初念  
阿字現前相續當應和合既和合已卽應宣說四十  
二句如是分別得二百句還得十句如初五分眷屬  
和合得出五音而彼法師以此五音和合五句諸眷  
屬已足一百句音聲圓滿卽能分別如是知故所有  
文字念欲現前卽得現前相續持已如彼卽得具足  
音聲出生文句如是能說是中更無異聲可作而彼  
法師依法出生五音文句法師分別阿字之時以大  
辯說空業成就爲千數衆生斷除疑惑若人問時亦  
無怨迫安詳來問譬喻解釋而其先說大宮殿中百

數義門如是解釋令一切衆皆生歡喜如佛世尊所  
集大衆彼亦復爾令得諸根具巧便智爲諸衆生知  
是而說復次橋尸迦汝當一心信受是法如來應供  
正徧覺音聲說方便譬喻解釋之處云何當念應  
須六年作如是念如所說法當入禪定思惟修行旣  
修行已不復放逸一心正念分別思惟與此意合六  
年方得具足圓滿如那字門亦以六年修種種念真  
正滿足如是念已卽得證知一切言音差別之事橋  
尸迦此三句門若善持已無有人能知其邊際橋尸  
迦諸佛如來所有言說方便譬喻解釋義門若虛妄

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

者無有是處。橋尸迦譬如農人善營田作先於異時聚集農衆而告之曰汝等諸人應作是言我等從今既下種已願莫生芽勿成子實時彼農衆咸相謂言嗚呼我今願汝種子莫生莫成亦無懶惰橋尸迦於意云何彼諸種子善營事已得不生耶不也世尊得不成耶不也世尊橋尸迦是三法門亦復如是虛空所生無量義門諸法次第名字具足假使或於無量時節隱蔽不現遂滅沒者無有是處復次橋尸迦一切衆生若於善男子所若如來所聞此修多羅法門或誦或說次第修行轉相教授者是諸衆生於此皆

門他問難時不可降伏亦不默然何以故此諸智業無量無邊彼教授者能爲無量無邊衆生未曾聞者咸令分別成就辯才亦自成就故若人來問是法義時我能於彼所問義處闡揚分別如是解說如是辯答而彼復作如是思念若有人來問我是義我當相續爲其解說若有依如來教而發問者我便於彼諸所疑處分別解釋亦爲當來一切衆生得安樂故若有人能念此法門或恃學習或復修行當知彼人不久成就橋尸迦於是法中非但彼諸非器衆生於佛法中不生信心或有衆生雖亦信心而復不能依教

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

行者橋尸迦非但世間無說法師法卽消滅若無聽法請問之人當知是時法亦不久何以故世無問者以無學習無學習故則不能知既不能知云何奉行不能行故世皆盲冥無導知者如是無知誰當作法若無法則世間無有孝養父母敬大愛小長幼尊卑使命慰勞褒譽美言世事咸盡誰能作者橋尸迦若人不知世間之法云何當能分別論說世間事義既不信解亦不能行世善尚無云何能學諸佛智慧是故一切世間之事不可休息復次橋尸迦若諸法師欲講說時當須四種莊嚴說處何等爲四橋尸迦時

說法師當先選擇如是方所其處寬博地形平正無有高下瓦石沙礫荆棘惡刺亦無穢草蚊蛇蛇蟻諸惡毒蟲其地和美柔軟淨妙多有園池華果樹林其處清淨遠離喧雜夏無盛暑冬不祁寒四衆雜居並皆安隱法師聽者咸受悅樂橋尸迦是爲第一爲彼法師莊嚴說處復次橋尸迦若諸法師欲講說時其地方所有護法者若聽法人爲重法故應爲法師施設莊嚴高闊法座多取種種上妙褥席柔軟敷具講時所須皆置座上衆人觀覩增重法心法師處之安隱說法橋尸迦是爲第二爲彼法師莊嚴說處復次

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

橋尸迦若諸法師將說法時彼護法人及聽法者爲重法故應當至心精勤勇猛守護法師不得令彼諸惡衆生毀壞誹謗障礙正法乃至勿令男子婦人童男童女往來喧雜妨亂法師橋尸迦是爲第三爲彼法師莊嚴說處復次橋尸迦若諸法師正宣說時彼護法人及聽法衆爲敬法故應選五人若十若多恭敬知法住法師後觀察大衆勿令妨亂一取法師意旨教令如法施行匡正其衆或時有人語言亂衆卽須問彼語言所因如法禁止若人戲笑動止乖違卽應窮詰訶責令斷恒令大衆寂靜諸根清禁身口如

教而住然彼諸人觀察衆時舉措審詳不可急卒應行愛語勿出麤言凡所發言但令前人共相解領卽須靜默不應大語高聲動衆使人覺知何以故不欲令人因緣他事與多衆生爲法障故橋尸迦是爲第四爲彼法師莊嚴說處若能以是四事莊嚴說法方所令彼法師所說經典無有衆難畢竟流行復次橋尸迦若諸法師於欲說時先觀彼衆云何樂欲須何法義如彼衆欲隨時充滿令諸衆生成就善根亦令增長言辭才辯偏一切處無礙清淨令諸智者易得解知可觀可證無有垢汙遠離蓋纏身口諸根悉皆

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

安靜三昧思惟相續不絕若人於法師所聽知法已長夜熏修未曾捨離三教業藏文字言說無不通達復次橋尸迦若諸法師於說法時應當誓願成是義門爲諸衆生而作依止法師既覺如是義已復應當作如是思惟今我既覺如是法門云何令我得好口業所出語言清辯無濁不破壞聲無哀哭響常得微妙不斷辯才但爲開發顯示此經法門義故若彼法師如是說時無不知者無不解者復次橋尸迦若諸法師欲說法時衆旣集已法師先當以三種心觀彼大衆無量諸相何等衆生聰明利智以如是三心

觀故或以神通知彼衆中具如是相而彼法師應當先爲彼諸大衆宣說布施功德等事如是說時多有衆生讚誦受持歡喜奉行而彼法師於此義門相續顯發空無相願不得斷絕如諸如來應供正徧覺說是法時能於無量百千門中顯示如是清淨義相法師爾時還說此義終不得捨如來法藏憶念住持阿字法門最初言說相續不斷爲他施設迦字法門次相續說那字法門最後究竟如是念已如如來辯當自現前於此言說應更善巧方便牢固旣牢固已自然成就如是智聚猶須彌山不可破壞諸外道等不

能動搖一切論師莫能傾拔復次橋尸迦若諸法師於說法時應當勇猛發大精進諸根明了衆事具足然後爲彼世間四輩弘宣如是諸陰等法善方便知彼板相故旣覺知已常念現前無量辯才分別解釋五陰等聚云何得知彼諸陰聚以何義故名爲陰也復以何相善通陰聚巧說如是諸陰聚已卽應次第宣說諸法無相義門入於真實橋尸迦我已曾說此四大相總攝義處復次橋尸迦彼時法師應如是說是中若有諸色聚者於彼復有何忍可住而言彼有如是忍住先時已有如是經典當令現前亦復有人

恒常相續爲他解說如是義門云何相續說如斯法如彼衆生心生歡喜愛樂欲聞如彼衆生一心在法無復亂想如彼衆生有受法器如彼衆生堪可成熟者如彼衆生得聞法已有慙愧處如彼衆生旣能聽受如是經典如其次第如修多羅如其威力如想分別如是受持而彼衆中無有一人生退轉心不聽法者橋尸迦彼諸法師當應如是成就法事諸佛如來咸如是說復次橋尸迦彼諸法師於說法時當須顯發奇特之事假使有人從此聚落或復餘村或復城邑及他方至至已便問如是法義語法師言我今所

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

問云何能解然彼法師於是義中先常思惟須令純熟隨問悉能方便解釋既無恐怖亦勿留遲如彼所問皆令滿足如是法師說法之時莫爲他說散亂之事以是因緣當得大利其有衆生於彼聽者皆生歡喜常來聽法橋尸迦以是因緣時彼法師當應普說成就大利復大橋尸迦諸法師等有能通達如是法者於說法時雖不能說諸佛菩提但能令此法義分明巧知方便通達寬大亦時爲他聽受者說如是法師善通達已若復有人非時來聽非言來問卽應開示若比丘比丘尼優婆塞優婆夷四部衆等或餘衆生非時非言不卽爲說彼等於是更不來聽以不聽故不能爲他弘宣法要開示衆生橋尸迦以是因緣令是法門不得具顯復次橋尸迦若諸法師於此法中心不正住妄起思惟妄思惟故遂成邪見如是法師邪分別故不能會彼修多羅義卽住無知無明聚中而彼法師住邪見故昔來所有諸天神等一時棄捨不復守護以諸天神不守護故無有威德勢力光明無威力故一切所行不依戒律諸餘善根悉皆減損如是法師先竟爲他解說法義修多羅等所有聽衆尚皆誹謗棄而不受況於戒律不復依行而能更

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5

來聽其說者憍尸迦若世間人無信行者其家所有  
 妻子眷屬尚皆不順況彼大眾復來聽也復次憍尸  
 迦如是法師無有信分所謂如來常說不依戒律如  
 教行者憍尸迦是諸法師無信分故彼非善根而可  
 說者惟惡增長必受果報如是果報若諸如來如實  
 說者彼人聞已便從口中多歎熱血因此患故卽當  
 命終復次憍尸迦如來應供正徧覺爲欲令彼一切  
 世間諸衆生等覺了諸法而彼癡人於是法中起嫉  
 姦心然終不能如是思念我若慳法秘而不說以慳  
 惜故法漸艱難或能隱沒我若不說聽法之人云何  
 能得如說而聞如聞而受既無聞受云何奉行若如  
 是者卽便令他無量衆生不知是法云何於法生希  
 有心以是因緣我今不應於是法中與諸衆生作慳  
 恪事憍尸迦如是之人於佛法中終必不可立爲證  
 人憍尸迦汝應當觀如是癡人欲於無價真法寶中  
 自作價量憍尸迦復應當知如是癡人欲於如來三  
 種業藏無相法中建立諸相憍尸迦是亦法師無信  
 分處如來如是方便解釋復次憍尸迦若有法師能  
 於如是修多羅中善巧取義住於正念以諸方便開  
 揚法門爲諸世間興大利益汝於彼時應喜觀察當

於何處有好園林於彼林間多種樹木及諸華果相  
狀名字皆應令彼諸衆生等修治莊嚴乃至以彼一  
搏牛糞塗樹林地既莊嚴已然後應請法師演說而  
彼法師當說法時林間卽有護林天神地神樹神及  
以上界所有諸天一切乾闥婆緊那羅迦樓羅摩睺  
羅伽諸龍夜叉如是衆類遞相告知歡喜嗟讚彼莊  
嚴人能以牛糞塗飾林下憶念守護未曾暫忘敬繞  
彼林如奉塔廟憍尸迦若彼法師昔爲世間不斷法  
故去離是處欲詣餘方爾時此地護林諸天及諸神  
等猶常供養如是地林復次憍尸迦若有法師如是  
行者斯人獲得無量福聚凡所言說人皆傳受何以  
故以彼法師奉行佛教隨順法門無有違異終不斷  
絕法義門故憍尸迦以是因緣爲法師者於是法中  
當自精勤然後教人若不自勵人誰信者憍尸迦以  
是義故彼說法師應當善入如是法門深智方便開  
顯法藏故以不放逸能得大力故方便巧知定不受  
報故起慈悲攝成心業果故爲諸衆生知時節故當  
至巧智不動真處故時彼法師得如是已須知衆生  
善根方便智行差別然後說法法師若得住是方便  
說法藏時便得無量無等大功德聚復得如是無量

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

無邊大智慧聚當住大施正智聚中而彼法師得到  
無量精進彼岸爲一切衆生亦令住於慈悲普攝方  
便海中爾時世尊說是經已時須波多天及尊者阿  
難詣天世人阿修羅等一切大衆聞佛所說頂受奉  
行

## 大法炬陀羅尼經卷第二十

音釋

龜愚袁切  
渠幽切  
龍梵語也此云大  
氐身魚都禮切  
彌宜羅身魚都禮切

毗移切  
歐烏后切  
吐也

金壇子門曹氏法名三滿道人奉爲亡父曹三  
暘亡母昌氏捐資刻此  
大法炬陀羅尼經第二十卷以資冥福計字七  
千一百二十個該銀三兩二錢零五厘  
天啓乙丑歲冬十一月金沙顧龍山識

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5



5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

一一六

